

四庫全書

史部

欽定四庫全書

通典卷一百十七

唐 京 兆 杜 佑 君 卿 纂

禮七十七 開元禮纂類十二 吉九

皇帝皇太子視學

視學前一日所司灑掃學堂之内外尚舍設大次於學堂之後守宮設皇太子次於大次之東皆隨地之宜並如常儀尚舍設御位學堂上北壁下當中南向監司設

講榻於御座之西南向設執讀座於前楹間當講榻北向尚舍又設皇太子座於御座東南西向設文官三品以上座於皇太子之南少退重行西面北上設武官三品以上座於講榻西南當文官重行東面北上設侍講座於執讀西北武官之前東面北上

其執如意者一人立於侍講之南東

面設論議座於講榻之前西階下典儀設版位皇太子於東階東南西面執經於西階西南東面文官三品以上於皇太子東南重行西面北上武官三品以上於執

經西南侍講執讀執如意等於執經之後重行東面北上學生分於文武官之後皆重行北上設典儀位於東階之西贊者二人在南差退俱西面

出宮

前出宮三日本司宣攝內外各供其職其日應從駕文武官依時刻集朝堂諸衛陳設仗衛侍中版奏外辦皇帝乘馬文武侍從並如常行幸之儀駕將至祭酒帥監官學官學生等奉迎於路左

學生青衿服

駕至大次門外降

入如常

視學

皇帝既入大次執經侍講執讀執如意等及學官各服公服典儀帥贊者先入就位謁者贊引引文武三品以上及執經以下學生等入就堂下位皇太子立於學堂門外之東西向如常侍中版奏外辨皇帝出大次升自北階即御座南向坐侍臣及近侍量人從升典儀一人升就東階上西面立舍人引皇太子就位立

諸衛率庶子等量人

從入立於皇太子
東南西向北上

奉禮曰再拜贊者承傳皇太子以下

在位者皆再拜侍中跪奏稱請勅皇太子及公王等升
坐又侍中稱制曰可侍中詣東階上西面稱勅皇太子
及公王等升殿上典儀承傳階下贊者又承傳皇太子
以下應坐者皆再拜訖通事舍人引皇太子及羣官坐
者各升座訖

其公服者脫履於階下及降納皆如常

執讀讀所講經執經

釋義訖遂行如意侍講者執如意就論議座以次論難
侍中跪奏禮畢羣官皆起通事舍人各降堂下位若有

勅賜會則侍中前承制降詣堂下宣勅及太官下食案等並如常儀皇帝降座還大次侍衛如常儀羣官以下會訖皆出執經以下改服常服

學生仍青衿服

車駕還宮

皇帝既還大次侍中量時刻版奏外辦皇帝出次文武官陪從還宮如來儀初駕出國子祭酒帥監官學官學生等奉辭於路左如常式

皇太子釋奠於孔宣父

國學釋奠仲春仲秋釋奠於齊太公廟並附

齋戒

皇太子散齋三日於別殿致齋二日於正殿前致齋一

日典設郎設皇太子幄座於正殿東序及室內俱西向

又張帷於前楹下

殿若無室張帷為之

致齋之日質明諸衛率各

勒所部屯門列仗如常晝漏上水一刻左庶子版奏請

中嚴近仗就陳於閣外通事舍人引宮臣文武七品以

上袴褶陪位如式諸侍衛之官各服其器服諸侍臣並

結珮俱詣閣奉迎左庶子版奏外辦上水三刻皇太子

服通天冠絳紗袍結珮以出侍衛如常皇太子即座西
向坐侍臣夾侍如常一刻頃左庶子前跪奏稱左庶子
臣某言請降就齋室俛伏興還侍位皇太子降座入室
文武侍臣各還本司直衛者如常典謁引陪位者以次
出凡應享之官散齋三日致齋二日

散齋皆於正寢致齋一日於本司一

日於享所其無本司者皆於享所

近侍之官應從升者及從享羣官監

官學官學生等各於本司及學館俱清齋一宿並如別

儀

國學及齊太公廟將享館司先申享日本司請下其禮所司隨職供辦凡應享之官散齋三日致齋二日

如別儀無皇太子散齋以下儀

陳設

前享三日典設郎設皇太子便次於廟東西向又設便次於學堂之後隨地之宜守宮設文武侍臣次各於便次之後文左武右設諸次享官於齋坊之內從享之官於廟東門之外隨地之宜

國學設獻官以下次於齋坊太公儀同國學

前享

二日太樂令設軒懸之樂於廟庭東方西方磬簾起北鐘簾次之北方磬簾起西鐘簾次之設三鍾鐘於編懸

之間各依辰位樹路鼓於北懸之間道之左右植建鼓於三隅置祝敔於懸內祝在左敔在右設歌鐘歌磬於廟堂之上前楹間北向磬簾在西鐘簾在東其匏竹者立於堂下階間重行北向相對為首

凡懸皆展而懸之

諸工人

各位於懸後右校掃除內外又為瘞痏於院內堂之壬地方深取足容物南出陞

自設軒懸以下國學太公儀並同

前享一日

奉禮設皇太子位於東陞東南西向

國學設三獻位於東門之內道北執

事則道南西向北上太公儀同國學

又設望瘞位於廟堂東北當埋痏西

向

望座與國學同
太公儀並同

設亞獻終獻位於皇太子東南執事

者各位於後俱重行西向北上

國學無亞獻以
下儀太公並同

設御史

位於廟堂之下西南東向令史陪其後設奉禮位於樂

懸東北贊者二人在南差退俱西面又設奉禮贊者位

於埋埒東北南面東上設協律郎位於廟堂上前楹之

間近西東向設太樂令位於北懸之間北向

自御史位
以下與國

學同太公
儀同國學

設從享官七品以上位

國學則館官位太
公儀設廟官位

於

樂懸之東當執事西南向監官學官位於樂懸之西當

宮官東向

國學則設學官位於縣西當館官東向太公廟設廟官位同

設學生位於

宮官監官學官之後俱重行北上

國學學生位於學官館官後有觀者於南

門內道左右相對為首太公無學生

設門外位為亞獻終獻位於東門之

外道南執事位於後每等異位俱北向西上

國學設三獻門外位

如常儀太公儀與國學同

監官學官位於獻官東南

國學則館官學官位於太公儀廟

位從享宮官位於學官之東俱重行北面以西為上設

酒罇之位於廟堂之上先聖犧罇二象罇二山罇二在

前楹間北向先師犧罇二象罇二山罇二在先聖酒罇

之東俱西上

樽皆加勺冪有站以置爵其先師之爵同置於一站太公及留侯同上

洗設

於東階東南亞獻之洗又於東南俱北向壘水在洗東

篚在洗西南肆

篚實以巾爵

執樽壘篚冪者各位於樽壘篚

冪之後設幣篚二各於樽站之所典設郎設皇太子座

於學堂之上東壁下西向監司設講榻於北壁下南向

又設執讀者座於前楹間當講榻北向守宮設太傅少

傅座於皇太子西北南面東上

若有令詹事以下坐則設座於皇太子西南北

向東侍講者座於執讀西北

執如意者一人立於侍講之西

三館學官

非侍講者座於侍講者之西皆北面東上若有上臺三品以上觀講者設座於侍講之北南面東上設論議座於講榻之前近南北面設脫履席於西階之南東向掌儀設版位宮官七品以上東階東南西向北上執經侍講等於西階西南監官及學官非侍講者於侍講者之後有上臺三品以上觀講者位於執經之北少退重行皆東面北上學生分位於宮官學官之後皆重行北上又設掌儀位於宮官西北贊者二人在南皆西向

國學
無設

皇太子座下至此儀晡後郊社令帥齋郎以罇坩罍洗篚罍入設

於位

升堂者自東階

謁者引祭酒司業詣厨視濯漑

凡導引者每一曲一

遠巡太公儀引三獻視濯漑

贊引引御史詣厨省饌具

司業以下每事訖各還齊

所

享日未明十五刻太官令帥宰人以鷹刀割牲祝史

以豆取毛血置於饌所遂烹牲

其牲用太牢二正座及先師首俎皆升右胖十

一體左丘明以下折分餘體升之國學太公並同

未明五刻郊社令帥其屬及

廟司各服其服升設先聖神座於堂上西楹間東向

國學

設神座於廟室內西楹間東向太公儀拂神幄設先師神座於先聖神座東北

南向西上

若前堂不容則又於堂外之東至陳而北東向南上

席皆以莞設神位

各於座首

國學儀其七十二弟子名已具歷代祀先儒篇太公儀無先聖神座以下至此

出宮

國學無此儀太公同

前出宮二日本司宣攝內外各供其職守宮設從享宮
官次於東宮朝堂如常其日未明所司依鹵簿陳設於
重明門外奉禮設從享宮官位於東宮朝堂如常文武
宮臣七品以上依時刻俱集於次各服公服諸衛率各
勒所部陳設如式左庶子版奏請中嚴典謁引宮臣各

就位諸侍衛官各服其器服

左庶子負璽如式

俱詣閤奉迎僕

進軺車於西閤外南向

若須乘輦則聽臨時進止

內率一人執刀立

於車前北向中允一人在侍臣之前贊者二人在中允

之前左庶子版奏外辦僕奮衣而升正立執轡皇太子

著具服遠遊冠乘輿以出左右侍衛如常儀內率前執

轡皇太子升車僕立授綏左庶子以下夾侍如常儀中

允進當車前跪奏稱請發引俛伏興退復位

凡中允奏請皆當車

前跪奏稱具官臣某言訖俛伏興

車動中允與贊者夾引以出內率夾

車而趨出重明門至侍臣上馬所中允奏稱請車權停
令侍臣上馬左庶子前承令退稱令曰諾中允退稱侍
臣上馬贊者承傳文武侍臣皆上馬庶子以下夾侍於
車前贊者在供奉官人內侍臣上馬畢中允奏稱請令
車右升左庶子前承令退稱令曰諾中允退復位內率
升訖中允奏稱請發引退復位皇太子車動太傅乘車
訓導少傅乘車訓從出延喜門不鳴鼓吹從享宮臣乘
馬陪從如常儀

饋享

享日未明三刻諸享官各服祭服諸陪祭之官皆公服
學生青衿服郊社令良醞令各帥其屬入實罇罍及幣
犧罇實以醴齊象罇實以盎齊山罍實以清酒齊加明
水酒加玄酒各實於上罇其幣以白各長一丈八尺

太官令帥其屬實諸籩豆簋簠俎等未明二刻奉禮帥
贊者先入就位贊引引御史太祝及令史祝史與執罇
罍篚冪者入自東門當階間重行北向西上立定奉禮

曰再拜贊者承傳

凡奉禮有辭
贊者皆承傳

御史以下皆再拜訖執

罇壘篚冪者各就位贊引引御史太祝詣東階升堂行

掃除於上令史祝史行掃除於下訖引降還齋所奉禮

以下次還齋所

國學掃除於下訖引就位謁者引享官以下俱就門外位學生就門內位太公

儀無學生位餘同國學

皇太子將至謁者贊引引享官及從享學

官等俱就門外位學生皆入就門內位皇太子至廟門

外迴車南向內率降立於車右左庶子進當車前跪奏

稱左庶子臣某言請降車俛伏興還侍位皇太子降車

乘輿之便次侍衛如常郊社令以祝版進皇太子署訖

近臣奉出郊社令受各奠於坫

國學無皇太子將至以下至此儀太公並同

未明一刻謁者贊引引享官宮官就門外位奉禮帥贊

者先入就位贊引引御史以下入就位

國學無謁者以下儀太公同

太常令帥工人二舞次入就位文舞入陳於懸內武舞

立於懸南道西

其升堂坐者皆脫履於下降納如常

謁者引祭酒入就位

立定奉禮曰再拜祭酒再拜訖謁者引祭酒詣東階升

堂行掃除於上降行樂懸於下訖引還本位初祭酒行

樂懸謁者贊引各引祭官及陪祭之官次入就位

國學則謁

者引司業太公儀引亞獻

皇太子停便次半刻頃率更令於便次門

外東向左庶子版奏外辦皇太子出便次侍衛如常儀

率更令引皇太子至廟東門中允進笏皇太子執笏近

侍者從入如常儀皇太子至版位西向立

每立定率更令退立於左

率更令前啓再拜退復位皇太子再拜奉禮曰衆官再

拜衆官在位者及學生皆再拜

其先拜者不拜

率更令前啓有

司謹具請行事退復位

國學初司業行掃除訖謁者贊引各引享官以下學官以上次

入就位立定奉禮曰衆官再拜衆官及學生皆再拜其先拜者不拜謁者進祭酒之左白有司謹具請行事退

復位無停便次以下儀太公儀亞獻
掃除就位至入拜訖謁者白初獻
協律郎跪俛伏舉

麾

凡取物者皆跪俛伏而取
以興奠物則奠訖俛伏興
鼓祝奏永和之樂以姑洗

之均

自後堂下接神
之樂皆奏姑洗

作文舞之舞樂舞三成偃麾戛敔

樂止

凡樂皆協律郎舉麾工鼓祝
而後作偃麾戛敔而後止

率更令前啓再拜退

復位皇太子再拜

國學無率更下至
再拜太公儀並同

奉禮曰衆官再拜

在位者及學生皆再拜太祝各跪取幣於籩立於罇所

率更令引皇太子永和之樂作

皇太子每行皆作永和
之樂國學引祭酒升東

階無樂下倣此太公
廟謁者引初獻官

皇太子自東階升左庶子以下及

左右侍衛量人從升

以下皆如之

皇太子升堂進先聖神座

前西向立樂止太祝以幣授左庶子左庶子奉幣北向

進皇太子搢笏受幣

每受物搢笏奠訖執笏俛伏興

登歌作肅和之樂

以南呂之均率更令引皇太子進西面跪奠於先聖神座前俛伏興率更令引皇太子少退西向再拜訖率更令引皇太子進先師首座前北向立又太祝以幣授左庶子左庶子奉幣西向進皇太子受幣率更令引皇太子進北向跪奠於先師首座俛伏興率更令引皇太子

少退北向再拜登歌止率更令引皇太子樂作皇太子
降自東階還版位西向立樂止初羣官拜訖各奉毛血
之豆立東門外於登歌止祝史奉毛血升自東階太祝
迎取於階上進奠於先聖及先師首座前太祝與祝史
退立於罇所初皇太子既奠幣太官令出帥進饌者奉
饌陳於東門之外初皇太子既至位樂止太官令引饌
入俎初入門奏雍和之樂

自後酌獻皆
奏雍和之樂

饌至階樂止祝

史各進跪徹毛血之豆降自東階以出饌升太祝迎引

於階上各設於神座前

籩豆蓋器先徹乃升籩簋既奠却其蓋於下

設訖太

官令以下降復位太祝還罇所率更令引皇太子詣壘
洗樂作皇太子至壘洗樂止左庶子跪取匱盥沃水又
左庶子跪取盤盥承水皇太子盥手中允跪取巾於匱
興進皇太子悅手訖中允受巾跪奠於匱遂取爵於匱
興進皇太子受爵左庶子酌壘水又左庶子奉盤皇太
子洗爵中允又授巾皆如初皇太子拭爵訖左庶子奠
盤匱中允受巾奠於匱皆如常率更令引皇太子樂作

皇太子升自東階樂止詣先聖酒罇所執罇者舉罇左
庶子贊酌醴齊訖樂作率更令引皇太子進先聖神座
前西向跪奠爵俛伏興率更令引皇太子少退西向立
樂止太祝持版進於神座之右北面跪讀祝文曰維某

年歲次月朔日子皇太子某

國學云開元神武皇帝謹
遣祭酒某封姓名下同太

公儀云謹遣
某官某封

敢昭告於先聖孔宣父惟夫子固天攸縱

誕降生知經緯禮樂闡揚文教餘烈遺風千載是仰俾
茲末學依仁游藝謹以制幣犧齊粢盛庶品祇奉舊章

式陳明薦以先師顏子等配座尚饗訖興

太公祝云爰定六韜載成

七德功業昭著生靈攸仰俾茲末學克奉舊章謹以張留侯等配

皇太子再拜初讀祝

文訖樂作太祝進跪奠版於神座興還罇所皇太子拜

訖樂止率更令引皇太子詣先師酒罇所執罇者舉罇

左庶子取爵於坵進皇太子受爵左庶子贊酌醴齊樂

作率更令引皇太子進先師首座前北向跪奠爵俛伏

興率更令引皇太子少退北向立樂止

皇太子既奠首座爵餘座皆齊

郎助奠引相次而畢其亞獻終獻齊郎助奠亦如之

太祝持版進於先師神座之

左西面跪讀祝文曰維某年歲次月朔日子皇太子某

敢昭告於先師顏子等七十二賢爰以仲春

仲秋

率遵故

實敬脩釋奠於先聖孔宣父惟子等或服膺聖教德冠

四科或光闡儒風貽範千載謹以制幣犧齊粢盛庶品

式陳明薦從祀配神尚饗訖興

齊太公配座張留侯等祝云惟子等宣揚武教

光贊韜鈴大濟生靈貽範千載云云

皇太子再拜初讀祝文訖樂作太祝

進跪奠版於神座興還罇所皇太子拜訖樂止率更令

引皇太子詣東序西向樂作太祝各以爵酌上罇福酒

合置一爵一太祝持爵授左庶子左庶子奉爵北向進
皇太子再拜受爵跪祭酒啐酒奠爵興太祝各帥齊郎
進俎太祝跪減先聖及先師首座前三牲胙肉

皆取前
脚第二

骨加於俎又以籩豆取稷黍飯興以胙肉各共置一俎

上又以飯共置一籩太祝以飯籩授左庶子左庶子奉
飯北向進皇太子受以授左右太祝又以俎授左庶子
左庶子以次奉進皇太子每受以授左右訖皇太子跪
取爵遂飲卒爵左庶子進受爵以授太祝太祝受爵復

於坵皇太子俛伏興再拜樂止率更令引皇太子樂作
皇太子降自東階還版位西向立樂止文舞出鼓祝作
舒和之樂出訖戛敔樂止武舞入鼓祝作舒和之樂立

定戛敔樂止初皇太子將復位謁者引國子祭酒

國學謁者

引司業下倣此
太公儀引亞獻

詣罍洗盥手洗爵訖謁者引祭酒升自

東階詣先聖酒罇所執罇者舉罍祭酒酌盞齊訖武舞
作謁者引祭酒進先聖神座前西向跪奠爵興謁者引
祭酒少退西向再拜謁者引祭酒詣先師酒罇所取爵

於坵執罇者舉罇祭酒酌盞齊謁者引祭酒進先師首
座前北向跪奠爵興謁者引祭酒少退北向再拜訖謁
者引祭酒詣東序西向立太祝各以爵酌壘福酒合置
一爵一太祝持爵進祭酒之左北向立祭酒再拜受爵
跪祭酒遂飲卒爵太祝進受爵復於坵祭酒興再拜謁
者引祭酒降復位初祭酒獻將畢謁者引司業國學謁者引博
士下倣此太詣壘洗洗訖升酌盞齊終獻如亞獻之儀
公儀引終獻訖謁者引司業降復位武舞止太祝等各進跪徹豆興

還罇所

徹者蓮豆各一少移於故處

奉禮曰賜胙贊者唱衆官再拜

在位者及學生皆再拜

已飲福者不拜

永和之樂作率更令前

啓再拜退復位皇太子再拜

國學無率更令至再拜太公儀同國學

奉禮

曰衆官再拜在位者及學生皆再拜樂一成止率更令

前啓請就望瘞位率更令引皇太子就望瘞位西向立

國學謁者引祭酒太公儀引初獻

奉禮帥贊者轉就瘞埽東北向初在

位者將拜太祝各執篚進神座前跪以篚取幣降自西

階詣瘞埽以幣置於埽訖奉禮曰可瘞埽東西廂各四

人寘土半埒率更令前啓禮畢

國學太公儀進初獻之左白云

率更令

引皇太子出門還便次樂作

國學謁者遂引祭酒出無率更下至樂作太公儀同

皇太子出門樂止中允進受笏侍衛如常儀

國學無皇太子出門

等儀太公儀同

謁者贊引各引亞獻以下以次出初白禮畢奉

禮帥贊者還本位贊引引御史太祝以下俱復執事位

立定奉禮曰再拜御史以下皆再拜訖贊引引出學生

以次出其祝版燔於齋坊

講學

國學儀無齋太公同

皇太子既入便次改服常服執經侍講執讀執如意等
及三館學官並服公服學生仍青衿服餘皆常服掌儀
帥贊者先入就位謁者各引羣官及學生等次入就位

左庶子版奏外辦皇太子乘輿出便次

若須乘馬臨
時聽進止

侍

衛如常儀至學堂後降輿升自北階即座坐

左右侍衛
量人從升

太傅少傅
各就座坐

掌儀曰再拜贊者承傳羣官及學生等在位

者皆再拜

執經
不拜

左庶子跪奏請令執經等升俛伏興又

左庶子稱令曰諾左庶子退降詣西階下立於執經等

之前北面宣令曰執經以下並升坐應坐者皆再拜執

不通事舍人引執經以下升各就座坐其升坐者皆脫履如式訖

執讀讀所講經執經釋義訖執如意者以如意授侍講

侍講興受進詣論議座北面問所疑執經為通之訖興

退以如意授執者退還本座執如意者以如意次授諸

侍講者皆如上儀總訖左庶子跪奏禮畢羣官皆起通

事舍人各引降復堂下位皇太子降座降自北階入學

堂後便次羣官以次出執經以下改服常服

學生仍青衿服

還宮

皇太子既入便次左庶子版奏請解嚴

將士不得輒離部伍

皇太

子改服公服停便次一刻頃搥一鼓為一嚴有司轉仗衛於還塗如來儀二刻頃又搥二鼓為再嚴左庶子版奏請中嚴國子祭酒以下學生以上並出就學外道左奉辭三刻頃又搥三鼓為三嚴僕進輶車於門外如常左庶子版奏外辦皇太子乘輿出次學門外降輿乘車侍衛如常左庶子奏請及車右升降侍臣上馬文武陪

從皆如來儀車動鼓吹振作如式至國子祭酒以下奉
辭處權停車國子祭酒以下皆再拜通事舍人承令宣
勞及拜皆如常車至城隅鼓吹止過廟鼓吹作至延喜
門鼓吹止入延喜門鉦吹作至重明門宮官文武俱下
馬皇太子乘車入太傅少傅還皇太子至殿門迴車南
向左庶子跪奏請降車俛伏興皇太子降車乘輿入侍
臣從至閤門左庶子版奏請解嚴將士還本所

皇太子束脩

國學束脩附

束帛一筐

五匹

酒一壺

二斗

脩一案

五脰

其日平明皇太子服學生之服

學生青衿服國學儀並言學生下倣此

至

學門外博士公服執事者引立於學堂東階下西面相

者引皇太子

國學贊禮者引學生下倣此

立於門外之東西面

不自同於

賓客陳束帛壺酒脯案於皇太子之西面當門北向重行

西上將命者出立門西東向曰敢請事皇太子少進曰

某方受業於先生敢請見將命者入告博士曰某也不

德請皇太子無辱

若已封王則云請王無辱學生云請子無辱下倣此

將命者出

告皇太子曰某不敢為儀敢固請將命者入告博士曰
請皇太子就位某敢見將命者出告皇太子曰某不敢
以視賓客請終賜見將命者入告博士曰某辭不得命
敢不從將命者出告執篚者以篚東面授皇太子皇太
子執篚博士降俟於東階下西面相者引皇太子執事
者奉壺酒脩案以從皇太子入門而左詣西階之南東
面奉酒脩者立於皇太子西南東面北上皇太子跪奠
篚再拜博士答再拜皇太子還避遂進跪取篚相者引

皇太子進博士前東面授幣奉壺酒脩案者從奠於博士前博士受幣執事者取酒脩幣以東相者引皇太子立於階間近南北面奉酒脩者出皇太子拜訖相者引皇太子出

通典卷一百十七

欽定四庫全書

通典卷一百十八

唐 京 兆 杜 佑 君 卿 纂

禮七十八 開元禮纂類十三 吉十

皇帝巡狩告圓丘

告社廟及歸格禮並附

齋戒

將告有司卜日如別儀

攝事同

前一日皇帝齋於太極殿

如郊祀之儀凡應告之官清齋於告所

告社齋於社所
告廟齋於廟所

近侍之官應從升者及羣官客使等各於本司及公館各清齋一宿諸衛令其屬晡後一刻各以其方器服守

衛壘門

社則社門
廟則廟門

與太樂工人俱清齋一宿

陳設

前告三日尚舍直長施大次於外壘東門之內道北南

向

社則宮西門
廟則廟東門

尚舍奉御鋪御座衛尉

社則守宮
廟同社

設文

武侍臣次於大次之後文官在左武官在右俱南向設告官及從駕羣官次各於常所設陳饌幔於內壘東門

之外道南北向

社無饌幔
廟同社

前二日太樂令設宮懸之樂

於壇南

社則於壇
北廟於庭

設登歌及舉麾位於壇上

廟於
殿上

並如

常儀

社自此則右校清掃內外
爲瘞瘠二於樂懸北如常

前一日右校掃除壇之

內外郊社令積柴於燎壇方一丈二尺開上南出戶高

四尺

社無燎壇
廟同社

奉禮設御位於壇之東南西向

將告奉
禮郎一

人守之在版位西南五步所西向社設御位於
北門之內當社壇南向廟於東階東南西南向

設望燎

位當柴壇之北南向設告官及從駕羣官版位於內外

如常儀郊社令

廟太
廟令

帥府史一人

社二
人

及齋郎以罇站

罍洗篚幕及玉幣之篚入設於位並如常儀

廟酒罇位於堂上前

楹間各於室外之左北向每室春夏鷄彝一鳥彝一犧罇二秋冬鼈彝一黃彝一著罇二皆加勺幕俱西上各

有北以置瓚執罇罍篚幕者各位於罇罍篚幕之後告日未

明十五刻太史令郊社令設昊天上帝神座於壇上北

方南向席以藁秸設神位於座首

廟太廟令整拂神幄又帥府史齋郎以罇

北罍洗篚幕入設於位

告日未明十刻太官令帥宰人以鶩刀烹

牲於厨

社告日未明十五刻太官令帥宰人烹牲於厨牲用黑牛二齋郎以豆取牲血如常未明四刻

太史令郊社令各服其服升設神座席位如常廟每室各一瓚

鑾駕出宮

社廟同

皇帝服袞冕之服乘玉輅備大駕及嚴鼓時奏請進發
內外器服皆如常儀

親告

告社則薦玉帛及進熟告廟則晨裸及饋食

其日未明三刻諸告官各服其服郊社令良醞令各帥

其屬入實罇罍玉幣

太廟實以汎齊凡罇皆二其玄酒各實於上罇禮神之玉以蒼璧其

幣以蒼社太嚳實以醴齊配座以象罇實亦如之明水實於上罇玉兩珪有邸太祝各以幣置於篚幣隨牲色各長丈八尺晨裸鷄彘犴彘罇著罇之上實以明水鳥彘黃彘實以鬱鬯犧罇著罇實以醴齊

太官

令帥進饌者實邊豆簋簠入設於內墻東門外饌幔內

社於中厨

未明二刻奉禮帥贊者先入就位贊引引御史太

祝以下入行掃除如常儀訖各引就位

廟又未明一刻贊引引太廟令

太祝宮闈令入當階間北面西上立定奉禮曰再拜贊者承傳太廟令以下皆再拜升東階入間墀室奉出獻祖以下九室神主各置於座訖各就位 駕將至謁者贊引各引告官以下

及從告羣官客使先至者俱就門外位駕至大次門外廻輅南向領千牛將軍降立於輅右侍中進當鑾駕前跪奏稱侍中臣某言請降輅俛伏興還侍位皇帝降輅

之大次協律郎太樂令帥工人各入就位

凡升壇坐者皆脫屣於下

降納如常社降輅之大次郊社令以祝版進署如常儀謁者贊引各引從駕羣官俱就門外位奉禮帥贊者先

入就位贊引引御史及諸太祝與執罇壘籩纂者入就位太樂令帥工人各入就位通事舍人各引告官及從

告羣官客使次入就位升壇者脫屣如上儀太廟令以祝版進署通事舍人引從駕羣官就門外位皇帝

停大次半刻頃謁者贊引引從駕羣官入就位太常博

士引太常卿立於大次門外當門北向侍中版奏外辦

皇帝服大裘而冕出次華蓋侍衛如常儀

侍中負寶陪從如常社停

大次太常博士引太常卿立於大次門外當門北向侍中版奏外辦皇帝出次華蓋侍衛如常告廟同博

士引太常卿太常卿引皇帝

凡太常卿前導皆博士先引

至內壝門

外

社宮北門外廟廟門外

殿中監進鎮圭華蓋仗衛停於門外近

侍者從入如常謁者引禮部尚書太常少卿陪從如常

社無謁者引下至如常廟同社

皇帝至版位西向立

每立定太常卿博士退立於左告社

儀皇帝南面立

通事舍人各引從告官及諸王介公鄼公諸方

客使以次入就位立定

社無通事舍人各引下至此廟同社

太常卿前奏

稱請再拜退復位皇帝再拜奉禮曰衆官再拜贊者承

傳

凡奉禮有辭贊者皆承傳

衆官在位者皆再拜

其先拜者不拜

太常卿前

奏有司謹具請行事退復位協律郎跪俛伏興舉麾

凡取

物者皆跪伏而取以興奠物則奠訖俛伏後興鼓祝奏元和之樂乃以圓鍾之

均作文舞之舞六成偃麾戛敔樂止

凡樂皆協律郎舉麾工鼓祝而後作

偃麾戛敔而後止社奏順和之樂以函鍾之均樂八成廟奏永和之樂以黃鍾之均樂九成黃鍾三奏大呂太

族應鍾各再奏

太常卿前奏稱請再拜退復位皇帝再拜奉禮

曰衆官再拜衆官皆再拜

廟則晨裸太常卿引皇帝詣壘洗太和之樂作樂止侍中

跪取匱興沃水侍中跪取盤興承水皇帝搢鎮圭盥手黃門侍郎跪取巾於匱興進皇帝悅手訖黃門侍郎受

巾跪奠於匱黃門侍郎又取瓚於匱興進皇帝受瓚侍中酌蠶水又侍中奉盤皇帝洗瓚黃門侍郎又授巾如

初皇帝拭瓊訖侍中奠盤匱黃門侍郎受巾奠於篚皆如常太常卿引皇帝樂作升階樂止侍中以下量人從升太常卿引皇帝詣獻祖蹲壘所執蹲者舉翬侍中贊酌鬱酒訖登歌作肅和之樂以圓鍾之均自後登歌皆歌圓鍾太常卿初引皇帝入詣獻祖神座前北向跪以龜裸地奠之俛伏興太常卿引皇帝出戶北向再拜訖太常卿引皇帝詣懿祖神座前北向跪以龜裸地奠之俛伏興太常卿引皇帝受瓊侍中贊酌鬱酒訖太常卿引皇帝入於圜進皇帝詣懿祖蹲壘所執蹲者舉翬侍中取瓊詣懿祖神座前北向跪以龜裸地奠之俛伏興太常卿引皇帝出戶北向再拜訖太常卿引皇帝次裸太祖次裸代祖高祖太宗高宗中宗睿宗並如上儀訖登歌止太常卿引皇帝樂作皇帝降自阼階至版位西向立樂止諸太祝俱取玉幣於篚各立於蹲所廟無太祝取玉帛立蹲所太常卿引皇帝太和之樂作皇帝每行皆作太和之樂皇帝詣壇升自

南陛

社升北陛以下
升降皆北陛

近侍者從升如常儀皇帝升壇北

向立

社南
向立

樂止太祝加玉於幣以授侍中侍中奉玉幣

東向進

社西
向進

皇帝受玉帛登歌作肅和之樂太常卿引

皇帝進北向

社南
向

跪奠於天帝神座

社太
社座

俛伏興太常

卿引皇帝少退北向

社南
向

再拜訖登歌止樂作

社又太
常卿引

皇帝立於東方西向太祝以幣授侍中侍中奉幣南面

進皇帝進西向跪奠於后土氏座興太常卿引少退再

拜訖登歌止皇帝降自北陛樂作太常卿引皇帝

詣太稷壇升奠玉幣於太稷氏升降如太社壇

皇帝

降自南陛還版位西向立樂止初羣官拜訖謁者引司

徒太官令出帥進饌者奉饌陳於內墻東門之外司徒奉天帝之俎皇帝既至位樂止太官令引饌入俎初入門雍和之樂作饌至階樂止饌升於南陛太祝迎引於壇上各設於神座前

遵豆蓋纂徹之如式

設訖謁者引司徒以下

降自東陛復位諸太祝各還樽所

社儀皇帝奠玉帛訖降還版位下有進熟

篇皇帝既升奠玉帛太官令出帥進饌者奉饌陳於西門外司徒奉太社之俎初皇帝既至位樂止太官令引太社太稷之饌入自正門后土后稷之饌入自左門俎初入門雍和之樂作饌至陛樂止太社太稷之饌升自北陛后土后稷之饌升自西陛諸祝迎引於壇上各設於神座前廟儀於此有饋食篇皇帝既升裸太官令出

帥進饌者奉饌陳於東門外謁者引司徒出詣饌所司徒奉獻祖之俎初皇帝既至位樂止太官令引饌入自正門俎初入門雍和之樂作以無射之均自後接神皆奏無射饌至太陛諸太祝迎引於階上樂止各設於神座前設訖謁者引司徒以下降復位諸祝各還蹲所太常卿引皇帝詣壘洗樂作皇帝至壘洗樂止盥手洗爵侍中黃門侍郎贊洗如晨裸之儀太常卿引皇帝樂作升阼階樂止詣獻祖蹲彛所侍中贊酌醴齊壽和之樂作每酌獻皆作壽和之樂太常卿引皇帝入詣獻祖神座前北面跪奠爵俛伏興出戶北向立樂止太祝持版進於室戶外之右東面跪讀祝文祝文臨時撰讀訖與皇帝再拜初讀祝文訖樂作太祝入跪奠版於神座與出還蹲所太常卿引皇帝詣懿祖蹲彛所酌獻皆如初儀唯不盥洗訖太常卿引皇帝詣東序西向立樂止

太常卿引皇帝詣壘洗樂作皇帝至壘洗樂止侍中跪

取匱興沃水又侍中跪取盤興承水皇帝盥手黃門侍

郎跪取巾於匱興進皇帝悅手訖受巾跪奠於匱遂取

匏爵於匱興進皇帝受爵侍中酌蠡又侍中奉盤皇帝

洗爵黃門侍郎又授巾皆如初皇帝拭爵訖侍中奠盤

匱黃門侍郎受巾奠於匱皆如常太常卿引皇帝樂作

皇帝詣壇升自南陛

社則升太社北陛

樂止近侍者從升如常

謁者引司徒升自東陛

社升西陛

立於罇所齋郎奉俎從升

立於司徒之後太常卿引皇帝詣天帝

社云太社下倣此

酒罇

所執樽者舉幕侍中贊酌汎齊

社醴齊

訖壽和之樂作帝皇

每酌獻及飲福酒皆作壽和之樂

太常卿引皇帝進天帝神座前北向

跪

社南向

奠爵俛伏興太常卿引皇帝少退北面立樂止

太祝持版進於神座之右東面

社西面

跪讀祝文

祝文臨時撰社

同訖興皇帝再拜初讀祝文訖樂作太祝進奠版於神

座還蹲所

社皇帝拜訖樂止太常卿引皇帝詣后土氏酒樽所酌獻西向奠爵讀祝文如上儀訖太

常卿引皇帝詣太稷壇升降酌獻如太社儀

太常卿引皇帝進天帝神座前

北面立樂作太祝以爵酌福酒合置一爵一太祝持爵

以授侍中侍中受爵西向進皇帝再拜受爵跪祭酒啐

酒奠爵俛伏興

廟皇帝獻將畢謁者引司徒升自東階立於前楹間北面諸祝各酌福酒合置

一爵侍中贊祭啐如常儀

諸太祝各帥齋郎進俎太祝減神前胙肉

加於俎興以胙肉共置一俎上授司徒司徒奉俎西向

進皇帝受以授左右

廟祝帥齋郎減胙肉又以籩取黍稷飯肉共一籩先以飯授司徒司徒

徒奉進授皇帝以授左右次受胙

皇帝再拜跪取爵遂飲卒爵侍中進

受爵以授太祝太祝受爵復於坵皇帝俛伏興再拜樂

止太常卿引皇帝樂作皇帝降自南陛

社降北陛太常卿引詣太稷行

事如太社訖降北陛廟降阼階還版位西向立樂止謁者引司徒降復

位太祝各進徹豆還罇所

徹者邊豆各一少移於故處廟司徒復位登歌作諸祝入

室徹豆登歌止

奉禮曰賜胙贊者唱衆官再拜在位者皆再拜

樂作太常卿前奏稱再拜退復位皇帝再拜衆官皆再

拜樂一成止太常卿前奏請就望燎位

社則望瘞下倣此

太常

卿引皇帝樂作皇帝至望燎位

社則就望瘞位

南向立樂止於

羣官將拜諸太祝各以篚進神座前取玉帛祝版齋郎

以俎載牲體黍稷飯爵酒興各自其陛降壇南行當柴

壇南東行自南陞登柴壇以玉帛饌物置於柴上訖奉

禮曰可燎東西面各四人以炬燎火半柴

社則降壇南當瘞壇西行

諸祝以玉帛饌物置於壇奉禮曰可瘞壇東西面各四人寘土

太常卿前奏禮畢

廟無望燎

儀

太常卿引皇帝出內壇門

社出宮門廟出廟門

殿中監前受鎮

珪華蓋侍衛如常儀皇帝入次樂止謁者贊引引各從

告官及從駕羣臣諸方客使以次出贊引引御史以下

俱復執事位立定奉禮曰再拜御史以下皆再拜贊引

引出工人以下以次出

社廟祝版燔於齋所

鑾駕還宮

社廟同

皇帝既還大次侍中版奏請解嚴

將士不得輒離部伍

皇帝改服

通天冠絳紗袍乘金輅鼓吹振作奏請還宮如常儀

巡狩告圓丘有司攝事

告社廟附

將告有司卜日如別儀

社廟同

前二日守宮設告官以下

次各於常所設陳饌幔於內壝東門之外道北南向

社無

設陳饌幔廟同社

右校掃除壇之内外郊社令積柴於燎壇

社爲

瘞瘳二於壇北如常廟壇於北門内道西

前一日諸告官清齋於告所

社於社所

廟於諸衛令其屬晡後一刻各以其方器服守衛墻門

社則社宮門
廟則廟門

奉禮設版位於內外並如常儀

廟又設望
座位於堂

之東北當墀堦西向又設奉禮位於墀堦東北
南向贊者二人在西少退太廟令整拂神幄

郊社令

帥其屬以罇坫罍洗篚幕入設皆如常儀執罇罍篚幕

者各位於罇罍篚幕之後太官令先具饌酒脯醢告日

未明四刻太史令郊社令各服其服升設神座位如常

廟無未明四
刻以下儀

未明三刻諸告官各服其服郊社令

廟則
廟令

良醢之屬入實罇罍及玉幣

天帝太罇二著罇二一實
以明水爲上一實以醴齊

次之山罍各二一實以玄酒為上一實以清酒次之玉
以蒼幣以蒼社正座太罍二一實明水為上一實醴齊
次之配座象罇二其實亦如之皆山罍二一實玄酒為
上一實清酒次之玉兩珪有邸幣以黑各一丈八尺廟
每室春夏用兩犧罇秋冬用兩著罇一實明水為上一
實醴齊次之山罍二一實玄酒為上一實清酒次之幣
以白長一丈八尺

太祝以玉帛置於篚設於饌所

社無饌幔廟同

未明

二刻奉禮帥贊者先入就位贊引引御史太祝以下入

再拜行掃除如常儀訖各就位

社一刻廟又贊引引太廟令太祝宮闈令入當

階間北面西上立定奉禮曰再拜贊者承傳太廟令以下皆再拜升自東階入開瑤室奉出獻祖以下九室神主各置於座如儀訖各就位謁者引告官贊引引執事者次入就位立定奉禮曰再拜告官以下再拜其先拜

者不拜謁者進告官之

未明一刻

社廟則
贊明

謁者引告官

廟又贊引
引執事者

以下俱就門外位立定又謁者引告官贊引

引執事者次入就位立定

社無謁
者以下

奉禮曰再拜贊者承

傳

凡奉禮有辭
贊者皆承傳

告官以下皆再拜謁者進告官之左白

有司謹具請行事退復位奉禮曰再拜在位者皆再拜

初謁者白請行事退復位太官令出帥進饌者奉饌陳

於東門之外

社於
西門

初太官令出太祝跪取玉

廟取
幣

於篚

興各立於罇所謁者引告官升自午陞北向立

社升北
陞南向

立太祝以玉東向授

社西向授

告官受玉進北面跪

社南面

奠

於天帝神座俛伏興

社奠社

少退北向再拜

社謁者又引告官詣太稷

壇如太社之儀

謁者各還本位太祝還罇所

廟謁者引告官升自東階詣獻祖廟

堂戶前北向立太祝以幣東向授告官受幣北面跪奠於獻祖神座前俛伏興出戶北向再拜訖謁者引告官次懿祖以下告如上儀訖謁者

太官令引饌入升自午

陞太祝迎引於壇上設於神座前

籩豆蓋畢徹之如設式社饌入如正儀

訖太官令以下降自東陞復位

社西

諸太祝各還罇所

謁者引告官詣罍洗盥手洗爵訖升自南陞詣天帝酒

罇所

社告官詣太社壇升北陛

執罇者舉罇告官酌醴齊謁者引告

官詣天帝神座前北向跪奠爵俛伏興

社進太社前南向跪奠

少

退北向立太祝持版進於神座之右東向跪讀祝文

祝文

臨時撰社西向

訖興告官再拜訖太祝進跪奠版於神座興還

罇所告官拜訖謁者引告官進天帝神座前北向立

社引

諸太社前南面立廟太官令引饌入自正門升自太階諸太祝迎引於階上各設於神座前訖太官令以下降

復位諸太祝各還罇所謁者引告官詣罍洗盥手洗爵訖升自東階詣獻祖酒罇所執罇者舉罇告官酌醴齊

訖謁者引告官入詣獻祖神座前北向跪奠爵俛伏興出戶北向立太祝持版進於室戶外之右東向跪讀祝文

訖興告官再拜太祝進跪奠版於神座俛伏興還罇所
告官拜訖謁者引告官以次奠如獻祖之儀唯不盥洗

訖謁者引告官太祝以爵酌鬯福酒合置一爵一太祝
諸東序西向立

持爵進告官之右西向立

社東向廟北向

告官再拜受爵跪祭

酒遂飲卒爵太祝進受爵復於坵告官俛伏興再拜訖

謁者引告官降復位

社告官拜訖別引諸太稷壇升獻如太社訖引降復位

太祝

各進跪徹豆俛伏興還罇所奉禮曰再拜告官及在位

者皆再拜謁者進告官之左白請就望燎位

社望瘞位廟同社

謁者引告官就望燎位南向立

廟西向立

初衆官將拜太祝

以篚取玉幣及祝版置於柴上戶內

瘞則置於塹社祝版焚於齋坊廟同

社柴東西各四人以炬燎火半柴

社則瘞左右四人寘土半塹

謁者

進告官之左白禮畢謁者引告官贊引引執事者以次

出御史以下俱復執事位立定奉禮曰再拜御史以下

皆再拜贊引引出

太廟儀初白禮畢奉禮贊者還本位御史太史以下俱復執事位立定奉

禮曰再拜御史以下皆再拜贊引引出太廟令太祝宮闈令納神主如常儀

歸告禮同

皇帝巡狩

鑾駕出宮

將巡狩所司承制先頒告於東方諸州曰皇帝二月東
巡狩各修平乃守考乃職事無敢不敬戒國有大刑駕
將發告圓丘宗廟社稷皆如別儀皇帝出宮大備鹵簿
皆如常儀輶於國門祭所過山川如親征之禮所經州
縣刺史縣令先待於境通事舍人承制問百年古先帝
王名臣烈士皆州縣致祭

燔柴告至

將告將作先於泰山下修圓壇四出陞

若先有封禪祀
天壇即不須別

築前告三日尚舍直長施大次於外壝東門之內

又設文武

侍臣次陳饌位

設宮懸樂燎壇之制

一如圓丘之儀

前一日皇帝清齋

於行宮應告之官皆於告所清齋一日近侍之官應從
升者及從告羣官諸方客使皆於其所俱清齋一宿諸
衛令其屬晡後一刻各以其方器服守衛壝門與太樂
工人俱清齋一宿奉禮設御位於壇之東南西向設告
官司徒執事者御史奉禮贊者協律郎太樂令望燎位
東方諸州刺史縣令介公鄯公文武九品以上官諸方

客使蕃客等位並如上辛圓丘儀

其褻聖侯等亦如之

設告官以

下門外位於東西墻門之外道南皆如設次之式郊社

令帥府史一人及齋郎以罇坩罍洗篚罍入設於位並

如常儀執罇罍篚罍者各位於罇罍篚罍之後告日未

明十五刻太官令帥宰人烹牲於厨

蒼牲一駢牲一

未明四刻

太史令郊社令各服其服升設昊天上帝神座於壇上

北方南向席以藁秸設高祖神堯皇帝神座於東方西

向席以莞設神位各於座首未明三刻諸告官以下各

服其服郊社令良醢令各帥其屬入實罇罍及玉

天帝太罇

二配帝著罇二俱實以汎齊其明水各實於上罇玉以蒼璧幣一丈八尺

太祝以玉帛置於

筐太官令帥進饌者實諸籩豆簠簋等皆設於饌幔內

未明二刻奉禮帥贊者先入就位贊引引御史太祝以

下入行掃除如常儀訖各就位皇帝服袞冕乘輅發行

宮奏請進發內外器服如常儀駕將至謁者贊引各引

告官通事舍人引從告羣官東方刺史縣令諸方客使

俱就門外位駕至大次門外廻輅南向

其降輅之大次謁者引告官及

從告羣官入就位皇帝初皇帝既升奠玉帛太官令帥

奠玉帛等儀並如圓丘

其奉饌奏樂之儀並如圓丘天帝之饌升自南陛配帝之饌升自東陛

諸太祝迎

進饌者引於壇上各設於神座前設訖謁者引司徒以下降自

東陞復位諸太祝各還罇所太常卿引皇帝詣罍洗樂

作

其盥洗酌獻奏樂讀祝之儀並如圓丘其祝文臨時撰

訖興皇帝再拜初讀祝

文訖樂作太祝進奠版於神座還罇所

其酌獻配帝奏樂讀祝之儀並

如圓丘

皇帝拜訖樂止太常卿引皇帝進天帝神座前北

向立樂作太祝各以爵酌福酒

其飲福受胙奏樂皇帝還版位之儀並如圓丘

謁者引司徒降復位太祝各進徹豆還罇所奉禮曰賜

胙

其衆官受胙皇帝望燎及太祝燎牲體玉幣
皇帝還大次禮官工人次出等儀並如圓丘

鑾駕還行宮

皇帝既還大次侍中版奏請解嚴

將士不得
輒離部伍

皇帝改服

通天冠絳紗袍乘輅奏請還宮如常儀

望秩於山川

柴之明日望秩祀於嶽鎮海瀆山林川澤丘陵墳衍原
隰將祭所司先爲壇於祭所其神皆以尊卑爲叙重行

南向前三日守宮設祭官以下次於東壝之外道南北
向以西為上設陳饌幔於內壝東門之外道北南向前
二日太樂令設宮懸之樂於壇南設登歌於壇上皆如
常儀右校掃除壇內外又為瘞瘠於壇北之壬地外壝
之內方深取足容物前一日諸祭官各清齋於祭所諸
衛令其屬晡後一刻各以其方器服守衛壝門與太樂
工人俱清齋一宿奉禮設祭官位於內壝東門之內道
北執事位於道南俱西向北上設御史位於壇下一位

於東南西向一位於西南東向令史各陪其後設奉禮
位於樂懸東北贊者二人在南差退俱西向協律郎位
於壇上在西陛之西東向設太樂令位於北懸之間設
望瘞位於瘞埴之東西向設祭官以下門外位於外壝
東門之外道南每等異位北向西上設酒罇之位嶽鎮
海瀆各山壘二山林川澤俱蜃罇二丘陵墳衍原隰俱
散罇二各於壇上南陛之東北向西上其嶽壇上加山
壘二壘置於山
罇東北向
皆加勺鬯設玉篚於罇坫之所設洗於壇南陛東南如

常執罇罍篚幕者各位於罇罍篚幕之後郊社令帥齋
郎以罇坩罍洗篚幕入設於位祭日未明十五刻太官
令帥宰人以鸞刀割牲齋郎以豆取牲血置於饌所遂
烹牲未明二刻太史令郊社令各服其服入設神座各
於壇上北方南向席皆以莞設神位各於座首未明一
刻祭官以下各服其服郊社令良醢令入實罇罍及玉
山罍實以醢齊釐罇實以沈齊散罇及山罍皆實以清
酒齊加明水酒加玄酒各實於上罇祭神之玉以兩珪
郎有太祝以幣置於篚太官令帥進饌者實諸籩豆簋簋

等奉禮帥贊者先入就位贊引引御史太祝與執罇罍
篚纂者入自東門當壇南重行北向西上立定奉禮曰
再拜贊者承傳御史以下皆再拜訖執罇罍篚纂者各
就位贊引引御史詣壇東陞升行掃除於上令史祝史
行掃除於下訖引就位質明謁者引獻官贊引引執事
者俱就東門外位太樂令帥工人次入就位謁者贊引
各引獻官以下入就位立定奉禮曰再拜在位者皆再
拜謁者進獻官之左白有司謹具請行事退復位協律

郎跪俛伏興舉麾鼓祝奏順和之樂以蕤賓之均

自後壇下

之樂皆奏姑洗

樂三成偃麾戛敔樂止奉禮曰再拜獻官以下

皆再拜太祝取玉於篚立於罇所謁者引獻官詣嶽壇
升自南陛北向太祝以玉幣東向授獻官受登歌作肅
和之樂以函鍾之均謁者引獻官進北面跪奠於嶽神
之座俛伏興謁者引退北面再拜訖登歌止謁者引獻
官降自南陛還本位初獻官升奠玉幣太官令帥進饌
者奉饌陳於東門外登歌止太官令引饌入俎初入門

雍和之樂作饌至陞樂止饌升南陞太祝迎引於壇上

設於嶽神座前

遼豆蓋罍
徹之如式

設訖太官令以下降自東陞

以出太祝還罇所其鎮海以下之饌皆祝史迎於壇上

設於神座前相次而畢訖謁者引獻官詣壘洗盥手洗

爵訖謁者引升自南陞詣酒罇所執罇者舉罍獻官酌

醑齊訖樂作謁者引詣嶽神座北向跪奠爵興謁者引

獻官少退北向立樂止初獻官進奠爵祝史各以爵酌

奠鎮海以下還罇所太祝持版於神座之右東面跪讀

祝文

祝文臨
時撰

訖興獻官再拜初讀祝文訖樂作太祝進

奠版於神座還罇所獻官拜訖樂止太祝酌鬯福酒進
獻官之右西向立獻官再拜受爵跪祭酒啐酒奠爵興

太祝帥齋郎進俎太祝減神前三牲胙肉

皆取前脚
第二骨

加

於俎西向授獻官受以授齋郎獻官跪取爵遂飲卒爵

太祝受爵復於坫獻官興再拜謁者引獻官降復位諸

祝各徹豆如常訖還罇所奉禮曰賜胙贊者唱再拜在

位者皆再拜

獻官
不拜

順和之樂作奉禮又曰再拜獻官以

下皆再拜樂一成止謁者進獻官之左白請就望瘞位
西向立於衆官將拜諸太祝各執篚進神座前跪取玉
幣齋郎以俎載毛血等各由其陞降壇詣瘞壇以物置
於壇訖奉禮曰可瘞壇東西各四人寘土半壇謁者進
獻官之左白禮畢遂引出贊引引執事者以次出又贊
引引御史太祝以下俱復執事位奉禮曰再拜御史以
下皆再拜訖出贊引引工人以次出其祝版燔於齋所

肆覲東后

望秩之明日肆覲東后於告至之前刺史縣令皆先奉

見如常將作先於行宮之南爲壇宮方三百步面一門

爲壇於壇內三分壇二在南壇方九丈六尺高四尺四

出陛

南面兩陛餘三面各一陛

前二日太樂令設宮懸之樂於壇南

如殿庭之儀前一日尚舍鋪御座於壇上近北南向又

設解劔席於南陛之西南守宮於門外量設百官次文

東武西以北爲上東方刺史縣令次於文官之南蕃客

次於武官之南所司陳輦輅於壇南如常典儀設羣官

版位文官一品以下九品以上位於壇東南每等異位重行西面以北爲上武官一品以下九品以上位於壇西南當文官每等異位重行東面以北爲上東方刺史縣令於壇南三分庭一在南每等異位重行北面以西爲上若有蕃客則位於刺史之西每國異位重行北面以東爲上設典儀位於南陛之東贊者二人在南差退俱西向北上奉禮設門外位文官一品以下九品以上位於門東每等異位重行西面武官一品以下九品以

上位於門西每等異位重行東面俱以北爲上設東方
刺史縣令位於文官之南每等異位重行西面以北爲
上蕃客位於武官之南每國異位重行東面以北爲上
其日未明三刻諸衛各以其方器服量設牙旗於壇外
四面未明一刻諸衛各勒所部列黃麾大仗屯門及鉞
戟陳於壇內如殿庭之儀羣官及刺史以下各集就次
服其朝服蕃客集次各服其服侍中版奏請中嚴近仗
陳於行宮門外諸侍衛之官各服其器服符寶郎奉寶

俱詣行宮門外奉迎典儀帥贊者先入就位吏部兵部主客戶部贊羣官客使俱出次通事舍人各引就門外位刺史縣令俱執贊通事舍人引就門外位

贊各以其土所有錦

綺繒布葛越之屬俱五兩爲一束而執之仍飾以黃帊

其餘當土常貢之物並盛

以篚其屬執之列於縣令位後通事舍人引文武官一品以下九品以上先入就位侍中版奏外辦皇帝將出仗動太樂令令撞黃鍾之鐘右五鐘皆應協律郎舉麾工鼓祝奏太和之樂皇帝服袞冕乘輿以出曲直華蓋

警蹕侍衛如常儀皇帝入自北墻門由北陛升壇即御座樂止腰輿退其羽儀華蓋仍侍於御側通事舍人引東方刺史以下入就位鴻臚引蕃客次入就位初刺史入墻門懸下舉麾舒和之樂作至位立定樂止典儀曰

再拜贊者承傳執贊者俱跪奠贊興在位者皆再拜訖

跪取贊興

凡拜奠贊皆如之

侍中前承制降詣刺史東北西面

立稱有制

蕃客則舍人承旨宣勅

刺史以下皆再拜宣制訖又再

拜戶部引諸州貢物兩行各入於刺史位前東西陳之

龜爲前列金次之丹漆絲纊四海九州美物重行量陳於後訖執物者各退立於東西廂文武前側立通事舍人引刺史爲首者一人執贊詣解劔席跪解劔脫舄執贊興舍人接引升壇詣御座前北面跪奏稱具官臣姓名等敢獻壤奠遂奠贊俛伏興又舍人跪舉以東授所司舍人引刺史降詣解劔席跪佩劔納舄興通事舍人引復北面位初爲首者奠贊通事舍人引在庭者以次奠贊於位前訖各俛伏興引退復位訖刺史以下俱再

拜戶部尚書進詣階間北面跪奏稱戶部尚書臣某言
諸州貢物請付所司俛伏興侍中前承詔退稱制曰可
尚書退復位所司受贄其執貢物各進執物所司引退
俱出東門初刺史將朝中書侍郎以諸州鎮表文別爲
一案俟於西門外給事中以祥瑞案俟於東門外俱令
史絳公服對舉案侍郎給事中俱就侍臣班初刺史將
入門中書侍郎降引表案入詣西階下東面立給事中
降引祥瑞案詣東階下西面立刺史將升筭中書令黃

門侍郎俱降立於階下刺史執贊升階中書令黃門侍郎各執所奏之文以次升初戶部尚書奏退復位訖中書令前跪奏諸方表訖黃門侍郎又進跪奏祥瑞各還侍位侍郎與給事中引案退司儀曰再拜贊者承傳文武羣官刺史以下及諸國蕃客俱再拜訖通事舍人以次引北面位者出就門外位侍中前奏稱侍中臣某言禮畢俛伏興還侍位皇帝興太樂令令撞蕤賓之鐘左五鐘皆應太和之樂作皇帝乘輿降自北陛警蹕侍衛

如來儀入行宮樂止通事舍人引東西面位者以次出
設會如正會之儀

考制度

朝覲之明日左右丞相以考制度事奏聞命太常卿採
詩陳之以觀百姓之風俗命市納賈以觀百姓之所好
惡命典禮者考時月定日同律觀禮樂制度衣服正之
山川神祇有不舉者爲不敬宗廟有不順者爲不孝不
孝不敬者則長官黜以爵革制度衣服者爲叛叛者長

官有討有功德於百姓者加爵賞五月南巡狩至於南
嶽如東巡狩之禮八月西巡狩至於西嶽如南巡狩之
禮十有一月北巡狩至於北嶽如西巡狩之禮歸格於
宗禰用特如別禮若告封禪如別儀

通典卷一百十八

欽定四庫全書

通典卷一百十九

唐 京 兆 杜 佑 君 卿 纂

禮七十九 開元禮纂類十四 吉十一

皇帝封祀泰山

禪社首山附

鑒駕進發

禪儀無此篇

皇帝將有事於泰山有司卜日如別儀告昊天上帝太

廟太社皆如巡狩之禮

告太廟高祖祝文加封祀配神
作主之意告睿宗祝文加禪祭

配神作主之意

皇帝出宮備大駕鹵簿輶於國門祭所過山川

古先帝王名臣烈士皆如巡狩之禮通事舍人承制問

百年所經州縣刺史縣令先待於境至泰山下柴告昊

天上帝於圓丘壇如巡狩告至之禮

有司攝事

前祀所司以

太牢祭於泰山神廟如常式

齋戒

前七日太尉戒誓百官

封云封於泰山禪云禪於社首山齊儀同封祀

皇帝散

齋於行宮後殿四日致齋於前殿三日服袞冕結珮等

並如圓丘儀

百官如別儀

制度

將作大匠先領徒於泰山上立圓臺廣五丈高九尺土色各依其方又於圓臺上起方壇廣一丈二尺高九尺其臺壇四面各為一陛玉版長一尺三寸廣五寸厚五

寸刻牒為字以金填之用金匱盛

其玉牒文中書門下進取進止所司承旨

請內鐫其名檢等並如後制

郊社令積柴為燎壇於山上圓臺之東

南量地之宜柴高一丈二尺方一丈開上南出戶方六

尺又為圓壇於山下三成十二陛如圓丘之制隨地之
宜壇上飾以玄四面依方色壇外為三壇郊社令又積
柴於壇南燎如山上之儀又為玉冊皆以金繩連編玉
牒為之每牒長一尺二寸廣一寸二分厚三分刻玉填
金為字少府監量文多少為之又為玉匱一長一尺三寸并檢方
五寸當纏繩處刻為五道當封寶處刻深二分方取容
受命寶印以藏正座玉冊制度如玉匱又為黃金繩以
纏玉匱金匱又為石礎以藏玉匱用方石再累各方五

尺厚一尺縱鑿石中廣深令容玉匱碱旁施檢處皆刻
深三寸三分濶一尺南北各二東西各三去隅皆七寸
纏繩處皆刻深三分濶一寸五分為石檢十枚檢石碱
皆長三尺濶一尺厚七寸皆刻為三道廣一寸五分深
四寸當封處大小取容寶印深二寸七分皆有小石蓋
制與封刻處相應以檢據封印其檢立於碱旁當刻處
又為金繩三以纏石碱各五周徑三分為石泥以封石
碱以石末和方色土為其封玉匱金匱石碱為距石十
同用受命寶並所司量時先奏請出之

二枚皆濶二尺厚一尺長一丈斜刻其首令與礧隅相應分距礧四隅皆再累為五色土圓封以封石礧上徑一丈二尺下徑三丈九尺

禪禮制度將祭將作先於社首山禪所為禪祭壇如方丘

之制八角三成每等高四尺上濶十六步設八陛上等陸廣八尺中等陸廣一丈下等陸廣一丈二尺為三重墮量地之宜四面開門玉冊石礧玉匱金匱金泥檢距圓封立碑等並如封祀之儀

陳設

前祀三日衛尉設文武侍臣次於山下封祀壇外墮東門之內道北皆文官在左武官在右俱南向設諸祀官

次於東壝之外道南北向西上三師南壝之外道東諸王於三師之南俱西向北上文官從一品以下九品以上於祀官之東皇親五等以上諸親三等以上於文官之東東方諸州刺史縣令又於文官之東俱北向西上介公鄺公於南壝之外道西東向諸州使人於介公鄺公之西東向諸方之客東方南方於諸王東南西向西方北方於介公鄺公西南東向皆以北為上武官三品以下九品以上於西壝之外道南北向東上設諸饌幔

各於內壝東門西門之外道北南向北門之外道東西

向

壇上及東方之饌陳於東門外南方及西方之饌陳於西門外北方之饌陳於北門外

前祀二

日太樂令設宮懸之樂於山下封祀壇之南內壝之外

如圓丘儀右校掃除壇之內外

禪儀祭前三日尚舍壇長施大次於外壝東門

內道北尚舍鋪御座守宮設文武官次於大次前東西相向諸祀官於東壝外文官九品以上於祀官東皇親諸親又於其東蕃客又於其東介公鄩公於西壝外道南武官九品以上於介公鄩公西蕃客又於其西襃聖侯於三品文官下有諸州使分於文武官後設陳饌幔於內壝東西門外道北南向其壇上及東方饌陳於東門之外南方西方北方饌陳於西門外陳樂前祀一日懸則樹靈鼓右校掃除又為瘞埴於壇壬地

奉禮郎設祀官公卿位於山下封祀壇內墻東門之外
道南分獻之官於公卿之南執事者位於其後每等異
位重行西向北上設御史位於壇上一位於東陞之南
西向一位於西陞之南東向設奉禮位於樂懸東北贊
者二人在南差退俱西向設協律郎位於壇南陞之西
東向設太樂令位於北懸之間當壇北向設從祀之官
位三師位於懸南道東諸王位於三師之東俱北面西
上介公鄺公位於道西北面東上文官從一品以下九

品以上於執事之南東方諸州刺史縣令又於文官之南每等異位重行西向俱以北為上武官三品以下九品以上位於西方值文官皇親五等以上諸親三等以上於武官之南每等異位重行東向諸州使人位於內壝南門之外道西重行東面皆以北為上設諸國客使位於內壝東門之外東方南方於諸王東南每國異位重行北向以西為上西方北方於介公鄩公西南每國異位重行北面以東為上其褒聖侯於文官三品之下

諸州使人各於文武官後

禪儀奉禮設御位壇東南設祀官位於內壇東門外道南

分獻官於祀官南執事者位於後設御史位二於壇東南西向令史陪後設奉禮位於懸東北贊者二人在南

差退協律郎於壇上太樂令於北懸間並如常設望瘞位於壇東北從祭官於執事南皇親又於南諸州刺史

縣令又於南蕃客又於南介公鄺公於內壇西門外道南武官於後蕃客於武官南設門外位於東西壇門外

道南皆如式設牲牐於山下封祀壇之外當門西向蒼牲

一居前

正座

又蒼牲一

配座

青牲一在北

少退南上次赤牲

一次黃牲一次白牲一次玄牲一

以上五方帝座

又青牲一明

又牲一

夜明也禪禮設牲牐東壇外如式正座黃牲一居前配座黃牲一在北少退神州黜牲一在南

退少設廩犧令位於牲西南令史陪其後俱北向設太祝位於牲東各當牲後祝史陪其後俱西向設太常卿省牲位於牲前近北又設御史位於太常卿之西俱南向設昊天上帝酒罇於圓臺之上下太罇二著罇二犧罇二山罇二在壇上於東南隅北向象罇二壺罇二山罇四在壇下於南陛之東北面西上設配帝著罇二犧罇二象罇二山罇二在壇上皆於昊天上帝酒罇之東北向西上其山下封祀壇設五帝日月俱太罇二在神座

之左其內官每陞間各象蹲二在第二等中官每陞間

各壺蹲二在第三等外官每陞間各概蹲二於內墻之

內衆星每道間各散蹲二於內墻之外凡蹲各設於神

座之左而右向

五帝日月以上之蹲置於牀內官以下
蹲俱藉以席皆加勺簠設爵於蹲下禪

儀設皇地祇太蹲二著蹲二犧蹲二山壘二在壇上東
南隅北向象蹲二壺蹲二山壘四在壇下南陞之東北

向俱西上設配帝著蹲二犧蹲二象蹲二山壘二在壇
上正座蹲東北向西上神州太蹲二在第一等每方岳

鎮海濱俱山蹲二山林川澤各屋蹲二丘
陵以下各散蹲二皆於壇下皆加勺簠 設壘洗各於

壇南陞東南亞獻之洗又於壇東南俱北向壘水在洗

東籬在洗西南肆

籬實以巾爵

設分獻罍洗籬幕各於其方

陛道之左俱西向執罇罍籬幕者各於罇罍籬幕之後

各設玉幣之籬於壇之上下罇坫之所祀日未明五刻

太史令郊社令各服其服升設昊天上帝神座於山圓

臺之上北方南向以三脊茅為神藉設高祖神堯皇帝

神座於東方西向席以莞神位皆於座首又太史令郊

社令設五方帝日月神座於山下封祀壇之上青帝於

東陞之北赤帝於南陞之東黃帝於南陞之西白帝於

西陞之南黑帝於北陞之西大明於東陞之南夜明於西陞之北席皆以藁秸設五星十二辰河漢及內官之座於第二等十有二陞之間各依方面凡席皆內向其內官中有北斗北辰位南陞之內差在行位前設二十八宿及中官之座於第三等亦如之布外官席位於內壝之內衆星席位於內壝之外各依方次席皆以莞設神位各於座首

禪禮神位皇地祇神座於壇上北方南向席以藁秸睿宗大聖真皇帝座於東方

西面席以莞神州於第一等席以藁秸東南方岳鎮以下於內壝內各於其方嵩岳以下於壇西南俱內向

席皆以莞所司陳其異寶及嘉瑞等於樂懸之東西廂禪禮無瑞

物

省牲器

省牲之日午後十刻去壇二百步所諸衛之屬禁斷行人晡後二刻郊社令丞帥府史三人及齋郎以罇坩罍洗篚罍入設於位凡升壇者各由其陞贊引引御史諸太祝七人

與祝史行掃除於下其五星以下羊豕所司各依令先

備如常儀並如別儀禪禮無五星以下羊豕餘同

鑾駕上山

禪無上山儀

前祀三日本司宣攝內外各供其職衛尉設祀官從祀
羣官五品以上便次於行宮朝堂如常儀前祀二日尚
舍直長施大次於圓臺東門外道北又於山中道設止
息大次俱南向尚舍奉御鋪御座衛尉設從駕文武羣
官及諸方便使應從升者於圓臺南門之外文東武西並
如常儀郊社令設御洗於圓臺南陛之東北向壘水在
洗東篚在洗西南肆

設巾
幕

其日奉禮設御位於圓臺南

當壇北向設羣官五品以上版位於御位之南文東武西重行北向相對為首設東方諸州刺史縣令位於文官之東諸州使人位於武官之後設蕃客位東方南方於文官東南每國異位北面西上西方北方於武官西南每國異位北面東上設御史位於圓臺東西如祀禮設奉禮贊者位於羣官東北西面設執事位於東門之內道南西面皆北上前祀一日未明七刻搥一鼓為一嚴

三嚴時節祀前一日侍中奏裁

未明五刻搥二鼓為再嚴侍中版奏

請中嚴從祀官五品以上俱就次各服其服所司陳大
駕鹵簿未明二刻搥三鼓爲三嚴諸衛之屬各督其隊
與鈇戟以次陳於行宮門外謁者贊引引祀官通事舍
人分引從祀羣官諸侍臣結珮俱詣行宮門外奉迎侍
員寶如式乘黃令進輦於行宮門外南向侍中版奏請登山

皇帝服袞冕乘輦以出稱警蹕如常儀黃門侍郎進當
輦前跪奏稱黃門侍郎臣某言請鑾輿進發俛伏興退
復位鑾輿動又稱警蹕黃門侍郎侍中中書令以下夾

引以出千牛將軍夾輿而趨駕至侍臣上馬所黃門侍
郎奏請鑾輿權停勅侍臣上馬侍中前承制退稱制曰
可黃門侍郎退稱侍臣上馬贊者承傳文武侍臣皆上
馬諸侍衛之官各督其屬左右翊鑾輿在黃麾內符寶
郎奉六寶與殿中監後部從在黃鉞內侍臣上馬畢黃
門侍郎奏請鑾輿進發退復位鑾駕動稱警蹕如常鼓
吹不鳴不得諠譁從祀官在玄武隊後如常

若復先置
則聽臨時

節度

車輅鼓吹待於山下御史大夫刺史縣令前導如武

至中道止息大次前廻輦南向侍中奏請降輦如常皇
帝降輦之大次羣官皆隨便而舍停大次三刻頃侍中
奏請皇帝出次升輦進發如初駕至臺東門外大次前
廻輦南向侍中進當駕前跪奏稱侍中臣某言請降輅
俛伏興皇帝降輦之大次如常儀通事舍人承旨敕從
祀羣官退就門外位

禪儀鑒駕出行官
如封泰山之儀

薦玉幣

祀日未明三刻諸祀官各服其服郊社令帥其屬以玉

幣及玉冊置於山上圓臺壇上牀所

禮神之玉蒼璧幣以蒼配座之幣亦

如之又以玉匱金匱金繩金泥盛於篚置於石礮之側良

醞令帥其屬各入實罇罍玉幣

凡六罇之次太罇為上實以汎齊著罇次之實

以醴齊犧罇次之實以盎齊象罇次之實以醢齊壺罇次之實以沈齊山鼎為下實以三酒配帝著罇為上實

以汎齊犧罇次之實以醴齊象罇次之實以盎齊山鼎為下實以清酒其玄酒各實於五齊之上罇禮神之玉

昊天上帝以蒼璧昊天上帝及配帝之幣以蒼禪祭太日未明三刻以下實罇至饌幔內與夏至北郊同也

官令帥進饌者實諸籩豆簋簋各設於饌幔內未明二

刻奉禮帥贊者先入就位贊引引御史以下入行掃除

如常儀

禪禮自未明二刻下至掃除訖就位與夏至方立同駕將至謁者贊引各引祀官通事舍人分

引從祀羣官諸方容使俱就門外位自鑒與至大次以下至進熟與方立同

未明一刻謁者

贊引各引文武五品以下從祀之官皆就圓臺南立謁

者引司空入行掃除訖出復位侍中版奏外辦皇帝服

大裘而冕出次華蓋侍衛如常儀

侍中負寶陪從如式

博士引太

常卿太常卿引皇帝

凡太常卿前導皆博士先引

入自東門殿中監

進大珪尚衣奉御又以鎮珪授殿中監殿中監受進皇

帝皇帝搢大珪執鎮珪繅藉華蓋仗衛停於門外近侍

者從入如常謁者引禮部尚書太常少卿陪從如常

珪

如揖不便請先定近侍承奉之

皇帝至版位北面立

每立定太常卿與博士退立於左

謁者贊引各引祀官次入就位立定太常卿前奏請再拜退復位皇帝再拜奉禮曰衆官再拜在位者皆再拜太常卿前奏有司謹具請行事退復位正座配座太祝取玉幣於篚各立於罇所太常卿引皇帝詣壇升自南陛侍中中書令以下及左右侍衛量人從升

以下皆皇如之

帝升壇北向立太祝加玉於幣以授侍中侍中奉玉幣

東向進皇帝皇帝搢鎮圭受玉幣

凡受物皆搢鎮圭奠訖執鎮圭俛伏興

登歌作肅和之樂以大呂之均太常卿引皇帝進北面

跪奠於昊天上帝神座

禋則皇地祇神座

俛伏興太常卿引皇

帝立於西方東向又太祝以幣授侍中侍中奉幣北向

進皇帝受幣太常卿引皇帝進東面跪奠於高祖神堯

皇帝神座俛伏興太常卿引皇帝少退東向再拜訖登

歌止太常卿引皇帝樂作皇帝降自南陛還版位西向

立樂止太祝還罇所

山下封祀壇

其日自山下五步立人直至下壇遞呼萬歲以為節

祀日未明三刻諸祀官各服其服郊社令帥其屬以五

帝及日月中官外官以下之玉幣各置於坵所

五帝之玉以四

珪有邸日月以珪璧幣各依方色

良醞令帥其屬各入實罇罍玉幣

五帝

俱以太罇皆實以汎齊日月之罇實以醴齊其內官之象罇實以醎齊中官之壺罇實以汎齊外官之概罇實以清酒衆星之散罇實以旨酒其玄酒各實於五齊之上罇禮神之玉青帝以青珪赤帝以赤璋黃帝以黃琮白帝以白琥黑帝以玄璜日月珪

邸五帝日月以下幣皆從方色

太官令帥進饌者實

諸籩豆簠簋各設於饌幔內未明二刻奉禮帥贊者先

入就位贊引引御史以下入行掃除如常儀未明一刻
謁者贊引各引祀官皆就位太樂令帥工人二舞次入
就位文舞入陳於懸內武舞立於懸南道西謁者引司
空入行掃除訖出復位於皇帝奠玉幣也封祀壇謁者
贊引各引祀官入就位立定奉禮曰衆官再拜在位者
皆再拜其先拜者不拜協律郎跪俛伏興舉麾鼓枹奏元和之
樂乃以圜鍾之宮黃鍾為角大簇為徵姑洗為羽圜鍾三奏
黃鍾太簇姑洗各一奏之舞文舞之舞樂舞六成偃麾戛敔樂止奉

禮曰衆官再拜在位者皆再拜謁者七人各引獻官及諸太祝奉玉幣各進奠於神座如常儀將進奠登歌作肅和之樂以大呂之均餘星座幣亦如之進奠訖各還本位初羣官拜訖夜明以上祝史各奉毛血之豆立於門外登歌止祝史奉毛血各由其陞升壇以毛血各致其座諸太祝俱迎受各奠於神座前諸太祝與祝史退立於樽所

進熟

皇帝既升奠玉幣太官令出帥進饌者奉饌各陳於內
壝門外謁者引司徒出詣饌所司徒奉昊天上帝之俎
初皇帝既至位樂止太官令引饌入俎初入門雍和之

樂作以黃鍾之均

白後接神之樂皆用雍和

饌至陞樂止祝史俱進

跪徹毛血之豆降自東陞以出

昊天上帝之饌升自午陞配帝之饌升自卯陞

諸太祝迎引各設於神座前設訖謁者引司徒太官令
帥進饌者降自東陞以出司徒復位諸太祝各還罇所
太常卿引皇帝詣罍洗盥手洗爵等並如圓丘儀太常

卿引皇帝樂作皇帝詣壇升自南陛訖樂止謁者引司徒升自東陛立於罇所齋郎奉俎從升立於司徒之後太常卿引皇帝詣昊天上帝酒罇所執罇者舉幕侍中

贊酌汎齊訖壽和之樂作

皇帝每酌飲福皆作壽和之樂

太常卿引皇

帝進昊天上帝神座前北向跪奠爵俛伏興太常卿引皇帝少退北向立樂止太祝二人持玉冊進於神座之

右東面跪又太祝一人跪讀冊文訖俛伏興

冊文並中書門下撰

進少府監刻文

皇帝再拜初讀冊文訖樂作太祝進奠冊於神

陞以出司徒復位諸太祝各還罇所於山上太尉之亞獻也封祀壇謁者七人分引五方帝及大明夜明等獻官詣罍洗盥手洗匏爵訖各由其陞升俱酌汎齊訖各引降還本位初第一等獻官將升謁者五人次引獻官各詣罍洗訖各由其陞升詣第二等內官酒罇所俱酌醴齊各進跪奠爵於內官首座興餘座皆祝史齋郎助奠相次而畢謁者四人次引獻官俱詣罍洗盥洗各由其陞升壇詣第三等中官酒罇所俱酌盎齊以獻贊引

座還罇所皇帝再拜樂止太常卿引皇帝詣配座以下
至終獻光祿卿降復位並如圓丘儀皇帝將升獻太官
令引饌入其山下封祀壇五帝日月以下之饌亦相次
而入俎初入門雍和之樂作以黃鍾之均饌至陞樂止

祝史俱進跪徹毛血之豆降自東陞以出

木帝之饌升自寅火帝

之饌升自巳土帝之饌升自未金帝之饌升自酉
陞水帝之饌升自子陸大明之饌升自辰陸夜明之饌
升自戌陸其內官中官衆星
之饌所由師長皆先陳布 諸太祝迎引於壇上各設

於神座設訖謁者引司徒太官令帥進饌者俱降自東

終獻將畢侍中前跪奏曰請就望燎位太常卿引皇帝
就望燎位太祝奉玉幣等就柴壇置於柴上戶內訖奉
禮曰可燎東西面各六人以炬燎火半柴侍中前跪奏
禮畢太常卿引皇帝出贊引引祀官以下皆出其山下
封祀壇獻官獻畢奉禮曰請就望燎位諸獻官俱就望
燎位諸太祝各取玉幣等就柴壇自南陞下置於柴上
戶內訖奉禮曰可燎東西面各六人以炬燎火半柴訖
奉禮曰禮畢獻官以下皆出

禪儀皇帝既升奠玉幣下
至跪奠爵俛伏興與方丘

四人次引獻官詣罍洗盥洗訖詣外官酒罇所俱酌醢齊以獻贊引四人次引獻官詣罍洗盥洗詣衆星酒罇所俱酌沈齊以獻其祝史齋郎酌酒助奠皆如內官之儀訖謁者贊引各引獻官還本位武舞六成樂止舞獻俱畢上下諸祝各進跪徹豆興還罇所奉禮曰賜胙贊者唱衆官再拜在位者皆再拜元和之樂作奉禮曰衆官再拜在位者俱再拜樂作一成止

燔燎

同太常卿引皇帝少退北向立樂止太祝二人持玉冊
進於神座之右東向跪又太祝一人跪讀冊文訖俛伏
興皇帝再拜祝文並書門下進少府監刻初讀祝文
訖至配座讀冊亦皆如之其拜奠並同方丘配座初讀
冊訖至寘土半壇太常卿
引皇帝還版位與方丘同

封玉冊

封檢附

燔燎畢

禪儀皇帝既就望瘞位

侍中跪奏稱具官臣某言請封玉

冊太常卿引皇帝自南陞升壇北向立

近侍者從升如式少府監具金

繩金泥等並所用物立於御側符寶郎奉受命寶立於侍中之側

謁者引太尉進昊天

上帝神座前

禪儀進皇地祇神座前

跪取玉冊置於案進皇帝受

玉冊跪疊之內於玉匱中纏以金繩封以金泥侍中取受命寶跪以進皇帝取寶以印玉匱訖興侍中受寶以授符寶郎通事舍人引太尉進皇帝跪捧玉匱授太尉太尉跪受皇帝興太尉退復位側身奉玉匱太常卿前奏請再拜皇帝再拜訖入次如常儀太尉奉玉匱之案於石碣南北向立執事者發石蓋太尉奉玉匱跪藏於石碣內執事者覆石蓋檢以石檢纏以金繩封以石泥訖太尉以玉寶徧印訖引降復位將作帥執事者以石

距封固又以五色土圜封後續令畢其功

禪儀同

配座玉

牒

禪儀太尉又進睿宗大聖真皇帝座跪取玉冊內金匱

封於金匱皆如封玉匱

之儀訖太尉奉金匱從降俱復位

封禪還以金匱內太廟藏於高祖神堯皇

帝之右室如別儀

太常卿前奏禮畢

若有祥瑞則太史監跪奏訖侍臣奉賀再拜三稱萬

歲內外皆稱萬歲訖又再拜

太常卿引皇帝還大次樂作皇帝出東

門

禪禮皇帝出中壺門

殿中監前受鎮珪以授尚衣奉御殿中監

又前受大珪華蓋侍衛如常儀皇帝入次樂止謁者贊

引各引祀官通事舍人分引從祀羣官以次出復位立

定奉禮曰再拜衆官在位者皆再拜訖贊引引出工人

二舞以次出

禪禮祭訖以奇禽異獸合瑞典者皆縱之神祀所

鑾駕還行宮

禪儀同

皇帝既還大次侍中版奏請解嚴

將士不得輒離部伍

轉仗衛於

還途如來儀二刻頃侍中版奏請中嚴皇帝服通天冠

絳紗袍諸祀官服朝服皇帝出次升輦降山下至圓壇

所權停乘黃令進玉輅太僕升執轡以下入宮並如圓

丘儀

朝覲羣臣

禪祭訖行此禮

封之明日朝覲羣官及岳牧以下於朝覲壇如巡狩儀
皇帝服袞冕乘輿以出曲直華蓋警蹕侍衛入自北墻
門由北陞升壇即御座符寶郎奉寶置於座扇開樂止
通事舍人引三品以上及岳牧以下入就位如常儀通
事舍人引上公一人舒和之樂作公至西陞就解劍席
樂止脫舄跪解劍置於席興相禮者與通事舍人引進
當御座前北面跪稱具官臣某等言天封肇建景福惟

新伏惟開元神武皇帝陛下萬歲無疆俛伏興通事舍人引上公降壇詣解劍席跪帶劍納舄樂作通事舍人引復位立定樂止典儀曰再拜贊者承傳上公以下皆再拜侍中前承制降詣上公之東北西向稱有制上公及羣官皆再拜訖宣云封禪之慶與公等同之上公及羣官又再拜舞蹈三稱萬歲訖又再拜引退

考制度 如巡狩儀

通典卷一百十九

欽定四庫全書

史部

通典卷一百

二十一

詳校官侍郎_臣李封

編修_臣程嘉謨覆勘

覆校官助教_臣吳省蘭

校對官助教_臣蔡鎮

謄錄貢生_臣王鏐

欽定四庫全書

通典卷一百二十

唐京兆杜佑君卿纂

禮八十 開元禮纂類十五 吉十二

時旱祈太廟

將祈有司卜日如別儀前二日守宮設祈官以下次各於常所右校掃除內外又爲瘞瘠於北門之內道西方深取足容物前一日諸祈官清齋於廟所諸衛令其屬

晡後一刻各以其方器服守衛廟門奉禮設版位於內
外並如常儀設望瘞位於堂之東北當瘞埽西南又設
奉禮位於瘞埽東北南向贊者二人在西少退太廟令
拂拭神幄又帥其屬以罇沾罍洗篚罍制幣篚入設皆
如常儀執罇罍篚幕者各位於罇罍篚幕之後太官令
先饌酒脯醢告日未明三刻諸祈官以下各服其服太
廟令良醢令之屬入實罇罍及幣

每室春夏用兩犧罇
秋冬用兩著罇一實

明水為上一實醴齊次之山罍二一實玄酒
為上一實清酒次之幣以白各長一丈八尺

未明二刻

奉禮帥贊者先入就位贊引引御史博士太廟令宮闈

令太祝以下入當階間北面西上立定奉禮曰再拜贊

者承傳

凡奉禮有詞贊者皆承傳

御史以下皆再拜訖升行掃除於

上太廟令以下升自東階入開墁室奉出獻祖以下九

室神主各置於座如常儀訖各引就位質明謁者引祈

官以下俱就門外位謁者引祈官贊引引執事者次入

就位立定奉禮曰再拜祈官以下皆再拜謁者進祈官

之左白有司謹具請行事退復位太官令出帥進饌陳

於東門之外初太官令出諸太祝俱取幣於篚各立於
罇所謁者引祈官升自東階詣獻祖廟室戶前北向太
祝以幣東向授祈官受進幣北面跪奠於獻祖神座俛
伏興出戶北向再拜訖謁者引祈官次進幣於懿祖以
下諸室皆如上儀訖謁者引還本位諸太祝各還罇所
太官令引饌入自正門升自太階諸太祝迎引於階上
各設神座前訖太官令以下降復位諸太祝各還罇所
謁者引祈官詣盥洗盥手洗爵訖升自東階詣獻祖酒

罇所執罇者舉罇祈官酌醴齊訖謁者引祈官入詣獻
祖神座前北向跪奠爵俛伏興出戶北向立太祝持版
進於戶外之右東向跪讀祝文

其文爲水旱癘疾蝗蟲
及征伐四夷各臨時制

之訖興祈官再拜太祝進跪奠版於神座前俛伏興還
罇所謁者引祈官次詣懿祖以下諸室皆如獻祖之儀

惟不
盥洗

訖謁者引祈官詣東序西向立諸太祝各以爵酌

罍福酒合置一爵一太祝持爵進祈官之左北向立祈
官再拜受爵跪祭酒遂飲卒爵太祝進受爵復於拈祈

官俛伏興再拜訖謁者引祈官降復位諸太祝各入室

跪徹豆如式興還罇所奉禮曰再拜在位者皆再拜

既飲

福者不拜

奉禮曰再拜祈官以下皆再拜訖謁者進祈官之

左白請就望瘞位贊者轉就瘞埽東北位謁者引祈官就望瘞位西向立於祈官將拜諸太祝各執篚進神座前跪取幣興降自太階詣瘞埽以制幣置於埽訖奉禮曰可瘞東西面各四人寘土半埽謁者進祈官之左白禮畢奉禮贊者還本位御史太祝以下俱復執事位立

定奉禮曰再拜御史以下皆再拜贊引引出太廟令太

祝宮闈令納神主如常儀其祝版燔於齋坊

若得所祈報祠用太

牢受胙與時享同餘與告禮同祭文臨時制撰

時旱祈於太社

將祈有司卜日如別儀行事薦獻與巡狩告社稷禮並同太社祝文曰維某年歲次月朔日子嗣天子某謹遣具位姓名敢昭告於太社爰以農功久闕時雨惟神哀此蒼生敷降靈液謹以清酌脯醢明薦於太社以后土

勾龍氏配神作主尚饗

太稷祝文同

后土氏祝文曰嗣皇帝

其謹遣具位姓名敢昭告於后土氏餘同社

后稷文同得雨報用

太牢瘞幣血飲福受胙與正祭同餘與告禮同太社祝文曰往以久闕時雨敢陳情誠惟神昭佑降茲嘉澍率土霑洽蒼生咸賴謹以玉帛清酌醴齊粢盛庶品明薦於太社以后土勾龍氏配神作主尚饗太稷后土氏后稷祝文並同每配座無玉帛字

時旱祈嶽鎮以下於北郊

將祈有司筮日如別儀

就祈及崇同

前二日守宮設祈官以

下次於東壝之外道南北向以西爲上設陳饌幔於內

壇東門外道北南向右校掃除壇之内外又爲瘞瘳於壇之壬地方深取足容物前一日諸祈官清齋於祈所諸衛令其屬晡後一刻各以其方器服守衛壇門俱清齋一宿奉禮設祈官位於內壇東門之內道北執事位於道南每等異位俱重行西面以北爲上設御史位於壇下西南東向令史陪其後設奉禮位於祈官西南贊者二人次之少退俱西向北上設望瘞位於壇之東北西向又設祈官門外位於東壇之外道南每等異位重

行北向以西爲上郊社令以酒罇入設於位嶽鎮海瀆
各山罇二山川各屋罇二每方皆於神座之左俱右向
皆有坩以置爵設罍洗篚幕各於其方皆道之左俱內向執罇

罍篚幕者位於罇篚之後其日未明二刻太史令郊社

令各服其服設嶽鎮海瀆及諸山川神座各於其方俱

內向席皆以莞設神位各於座首未明一刻諸祈官以

下各服其服郊社與良醢令之屬入實罇罍

山罇實以醴齊屋罇

實以沈齊其明水各實於上罇太祝以幣置於篚設於饌所

嶽鎮海瀆皆有幣各

依方色俱
一丈八尺

太官令帥進饌者實籩豆入設於內墻東門
之外饌幔內奉禮帥贊者先入就位贊引引御史太祝
以下與執罇罍篚幕者入詣南方山川之西南當門重
行北向以西爲上立定奉禮曰再拜贊者承傳御史以
下皆再拜執罇罍篚幕者各就位贊引引御史以下行
掃除如常儀出還齋所奉禮以下次還齋所質明謁者
引獻官以下俱就門外位奉禮帥贊者先入就位贊引
引御史以下入就位謁者引獻官贊引引執事者次入

就位立定奉禮曰再拜獻官以下皆再拜謁者進獻官之左白有司謹具請行事退復位奉禮曰再拜在位者皆再拜太祝各取幣於篚以授獻官獻官受幣詣東嶽座諸太祝各奠幣於諸嶽鎮海瀆之座謁者引獻官再拜訖降還本位於獻官初受幣太官令帥進饌者奉饌陳於東門之外獻官奠幣再拜訖太官令引饌入諸太祝迎引於座首各奠於神座前施設訖太官令以下還本位諸祝各還罇所謁者引獻官詣壘洗盥手洗爵詣

東嶽酒罇所執罇者舉罇獻官酌酒謁者引獻官進東
嶽神座前東向跪奠爵興少退東向立初獻官進奠祝
史以爵酌酒助奠東鎮以下還罇所太祝持版進於神
座之右南面跪讀祝文曰敢昭告於東方嶽鎮海瀆久
闕時雨黎元恒懼惟神哀救蒼生敷降嘉液謹以制幣
清酌脯醢明薦於東方嶽鎮海瀆尚饗太祝興獻官再
拜太祝進跪奠版於神座興還罇所獻官再拜謁者引
獻官以次獻諸方嶽鎮海瀆如東方之儀

諸方祝
文並同訖謁

者引獻官還本位初獻東嶽贊引次引獻官就罍洗盥
手洗爵訖詣東方山川酒罇所執罇者舉罍獻官酌酒
訖贊引引獻官進詣東方山川首座前跪奠爵興少退
東向立初獻官奠酒齋郎酌酒助奠訖還罇所祝史持
版進於神座之右西向跪讀祝文文同嶽祭興獻官再拜祝
跪奠版於神座興還罇所獻官再拜訖贊引引獻官以
次獻諸方山川如東方之儀諸方祝文皆同訖贊引引獻官還
本位諸祝各進跪徹豆如式興還罇所奉禮曰再拜獻

官以下皆再拜謁者進獻官之左白請就望瘞位謁者
引獻官就望瘞位西向立於在位者將拜諸太祝各進
神座前跪取幣置於埴奉禮曰可瘞東西廂各二人寘
土半埴謁者進獻官之左白禮畢遂引獻官出贊引引
執事者以次出御史太祝以下俱復執事位立定奉禮
曰再拜御史以下皆再拜贊引引出祝版燔於齋所報祠
用牲幣飲福受胙於東方嶽鎮山川首座之前其山川
唯飲福即不受胙埋幣血與正祭同餘與祈禮同祝文
與報社同

時早就祈嶽鎮海瀆

前一日諸祈官皆於祈所清齋一宿所司清掃內外又爲瘞瘳於壇南如常奉禮設祈官位於壇東南執事者位於祈官東南奉禮位於執事西南贊者二人在南差退俱西面北上又設太祝奉幣位於瘞瘳之南北向

海瀆

即設奉幣位向沉所

又設祈官以下門外位於南門之外道東重

行西面北上設罇坵罍篚各於常所執罇罍篚者各位於罇罍之後其日未明祈官以下各服其服所司帥其

屬入設神座及實罇罍如常儀太祝以幣置於筐

幣各依方

色長丈八尺

掌饌者實籩豆

籩一實脯豆一實醢

奉禮帥贊者先入就

位贊引引太祝及執罇罍籩者入當壇南重行北面以

西爲上立定奉禮曰再拜贊者承傳太祝以下皆再拜

執罇罍者各就位贊引引太祝升自東陞行掃除於上

訖降行掃除於下皆就位質明謁者引祈官贊引引執

事者俱入就位立定奉禮曰再拜祈官以下皆再拜

其先

拜者謁者進祈官之左白有司謹具請行事退復位奉

禮曰再拜在位者皆再拜初白請行事掌饌者帥進饌者奉饌陳於東門外祈官拜訖太祝跪取幣於篚以授祈官祈官奉幣置於神座祈官拜訖降復位掌饌者引饌入升自南陞太祝迎引於壇上進設於座前設訖掌饌者以下降復執事位謁者引祈官詣罍洗盥手洗爵升自南陞詣酒罇所執罇者舉罇祈官酌酒謁者引祈官進北面跪奠於神座前俛伏興少退北向立太祝持版進於神座之右東面跪讀祝文曰

文與祈社同嶽鎮海瀆各隨其稱

祝興祈官再拜祝進跪奠版於神座興還蹲所祈官拜
訖謁者引祈官降復位太祝進跪徹豆如式還蹲所奉
禮曰再拜在位者皆再拜謁者進祈官之左白請就望
瘞位謁者引祈官就望瘞位西向立於在位者將拜太
祝進神座前跪取幣置於埽東西面各二人寘土半埽
海濱則以幣沉之奉禮曰再拜祈官以下皆再拜謁者進祈官

之左白禮畢遂引祈官出贊引引執事者以次出太祝
以下俱復執事位立定奉禮曰再拜太祝以下皆再拜

以出奉禮贊者以次出其祝版燔於齋所

得雨報祠用
犧牲其沉瘞

幣血及飲福受昨皆與正祭同餘
與祈禮同祝文與北郊報祠同

久雨禳祭國門

將祭有司筮日如別儀前一日諸祭官清齋於祭所右

校掃除祭所太官丞先饌酒脯醢

樽以
瓢

其日質明郊社

丞帥其屬設神座皆內向設酒樽各於神座之左設罍

洗及篚於酒樽之左俱內向

並實以
巾爵

執罍洗篚者各

位於罍洗篚之後奉禮設獻官位於罍洗之左而右

向執事者於其後皆以近神為上郊社丞與良醞之屬
實罇罍獻官以下俱就位立定謁者贊拜獻官以下皆
再拜祝與執罇罍篚者各就位太官丞出詣饌所謁者
進獻官之左白有司謹具請行事退復位太官丞引饌
入太祝迎引設於神座前訖太官丞以下還本位祝還
罇所謁者引獻官詣罍洗盥手洗爵詣酒罇所執罇者
舉罇獻官酌酒進神座前跪奠爵俛伏興少退向座立
太祝持版進於神座之右跪讀祝文曰維某年歲次月

朔日子嗣天子遣其官姓名昭告於國門霖雨淹久害
於百穀惟靈降福應時開霽謹以清酌嘉薦明告於神
尚饗祝興獻官再拜太祝跪奠版於神座俛伏興還罇
所獻官再拜訖謁者引還本位祝進跪徹豆俛伏興還
罇所祝與執罇壘篚者俱復執事位謁者贊拜獻官以
下皆再拜謁者進獻官之左白禮畢遂引獻官以下出
每祭皆如之祝版皆燔於齋所

若雨止報祠用少牢飲
福與祈同祝文曰前日

以霖雨式陳誠禱惟神降祉應時開霽謹
以清酌少牢渠盛庶品明薦於神尚饗

諸州祈社稷

縣祈附

前二日本司掃除壇之内外又爲瘞瘳於壇北如常設

上佐

縣則縣丞以下倣此

以下次於社壇西門之外道北隨地之

宜前一日諸祈官皆於祭所清齋一日掌事者饌酒脯

醢設上佐位於稷壇西北掌事以下位於西門之内道

北俱重行東向以南爲上設贊唱者位於上佐東北東

面南上設望瘞位於瘞瘳北如常設上佐以下門外位

於西門之外道南俱重行北面以東爲上其日夙興本

司帥其屬守社壇四門去壇九十步十縣七步禁斷行人

掌事者入設神席蹲坵壘洗篚幕如常祭之儀每座各一邊豆

篚實巾二爵二每座皆爵一置於坵質明上佐以下各服其服本司帥掌

事者入實蹲壘洗以祝版各置於坵又以幣各置於篚

設於饌所其幣各長一丈八尺贊禮者引上佐以下俱就門外位

贊唱者先入就位祝與執蹲壘篚者入當社壇北重行

南向以東爲上立定贊唱者曰再拜祝以下皆再拜執

蹲者各升自西階立於蹲所執壘篚者各就位諸祝詣

社壇升自西階行掃除訖降入詣稷壇升行掃除訖諸
祝出奉幣篚入就瘞埴北位贊禮者引上佐以下入就
位立定贊唱者曰再拜上佐以下皆再拜贊禮者進上
佐之左白請行事還本位贊唱者曰再拜上佐以下皆
再拜初白請行事掌饌者帥執饌者奉饌陳於西門之
外祝以幣授上佐贊者引上佐升壇北陞南向跪奠於
社神座前訖興少退再拜訖復位又祝以幣授上佐上
佐奉幣升稷壇跪奠如社壇之儀訖掌饌者引饌入社

稷之饌升自北階配座之饌升自西階諸祝迎引於壇上各設於神座前訖掌饌者降自西階復位諸祝各還罇所贊禮者引上佐詣罇洗盥手洗爵自社壇北階升詣社神酒罇所執罇者舉幕上佐酌酒進詣神座前南向跪奠爵興少退南向立祝持版進於神座之右西面跪讀祝文曰歲月日子如常刺史姓名縣則縣令姓名下倣此謹遣具位姓名敢昭告於社神自社稷以下祝文並與國祈同尚饗訖興上佐再拜祝進跪奠版於神座興還罇所上佐再拜訖贊

禮者引上佐詣配座酒罇所取爵於坫執罇者舉罇上
佐酌酒進詣后土氏神座前西向跪奠爵興少退西向
立祝持版進於神座之左南向跪讀祝文尚饗訖興上
佐再拜祝進跪奠版於神座興還罇所上佐再拜訖贊
禮者引上佐降自北階詣盥洗盥手洗爵詣稷壇之北
階升獻如社壇之儀獻訖贊禮者引上佐降復位諸祝
各進神座前跪徹豆興還罇所贊唱者曰再拜上佐以
下皆再拜贊禮者進上佐之左白請就望瘞位贊者引

上佐就望瘞位南向立祝以篚進於神前取幣及血黍稷飯皆寘於埴贊唱者曰可瘞埴東西各二人寘土半埴贊者進上佐之左白禮畢遂引出諸執事者以次出諸祝與執罇壘篚者降復執事位贊唱者曰再拜祝以下俱再拜以出其祝版燔於齋所

得雨報祠以羊豕其祭器之數及飲福受

胙瘞幣血皆與正祭同餘與祈禮同祝文自社稷及后土后稷等並與國祈報同

諸州祈諸神

縣祈附

前一日本司設上佐

縣則縣丞以下倣此

以下次於祈所隨地之

宜又爲瘞瘳於神座之南方深取足容物諸祈官皆於

祈所清齋一日掌事饌酒脯醢

每座籩豆各一

祈日質明去祭

所七十步

縣五十步

禁止行人上佐以下各服其服祝帥掌

事者奉席入設神座於北廂南向

若更有諸座則以西爲上

贊禮者

帥執罇者設罇於神座之左北向設洗於酒罇東北向

罍水在洗東篚在洗西南肆

篚實以中爵

執罇罍篚者各位

於罇罍篚之後設上佐以下位於神座東南重行西面

以北爲上設贊唱者位於上佐西南西向設望瘞位於

瘞瘳之南北向西上設門外位於東門之外道南北向

西上掌事者入實罇疊洗以祝版置於坵又以幣置於

篚設於饌所

其幣各長一丈八尺

贊禮者引上佐以下俱就門外

位贊唱者先入就位祝與執罇疊者入當神座前重行

北面西上立定贊唱者曰再拜祝以下皆再拜執罇疊

篚者各就位祝進神座前行掃除訖贊唱者曰再拜上

佐以下皆再拜贊禮者進上佐之左白請行事還本位

贊唱者曰再拜上佐以下皆再拜初白請行事掌饌者

帥執饌者奉饌陳於西門之外祝以幣授上佐上佐受
幣跪奠於神座前訖興少退再拜訖復位掌饌者引饌
入祝迎引於座首各設於神座前訖執饌者退復位祝
還罇所贊禮者引上佐詣盥洗盥手洗爵詣酒罇所執
罇者舉幕上佐酌酒贊禮者引上佐詣神座前北向跪
奠爵興少退北向立祝持版進於神座之右東面跪讀
祝文

文與祈社同

訖興上佐再拜祝進跪奠版於神座興還

罇所

若更有諸座祈官酌獻皆如贊禮者引上佐還本其儀唯不盥手奠祝文與上同

位祝進神座前跪徹豆興還罇所贊唱者曰再拜上佐
以下皆再拜贊禮者進上佐之左白請就望瘞位上佐
就望瘞位北面立祝以幣實於埴埴東西各二人寘土
半埴贊禮者進上佐之左白禮畢遂引上佐以下出訖

祝與執罇罍篚者俱復執事位贊唱者曰再拜祝以下

皆再拜其祝版燔於齋所

若祈海瀆等其幣沉之設奉幣位各向所祈之水沉之時

節一與瘞同若祈先代帝王其瘞幣如正祭之禮

得雨報祠牢饌飲福受胙瘞

幣血皆同祭社之禮

若非獻鎮海瀆先代帝王唯飲福不受胙其瘞埴之位仍依祈禮若

海漬沉幣又並沉血位及沉之時節准祈
沉之禮若報祠先代帝王瘞幣與祈同
同祝文與祈社同

諸州崇城門

縣崇附

若霖雨不止崇祭城門設神座皆內向設瓢齋之罇各
於神座之左設罍洗及篚於酒罇之左俱內向設司功
縣則位於罍洗之左而右向執事者位於其後皆以近

縣尉神爲上贊禮者贊拜無幣不爲瘞埽餘與祈諸神同祝

文曰維某年歲次月朔日子刺史姓名

縣則縣令姓名

遣具位

姓名昭告於城門霖雨淹久害於百穀惟靈降福應時
開霽謹以清酌嘉薦明告於城門尚饗若雨止報祠用
特牲飲福餘與滎同祝曰前以霖雨式陳誠禱惟靈降
祉應時開霽

餘同上

通典卷一百二十